

清凉国師華嚴疏鈔  
三十七  
六十九  
師

C40  
4514

10  
1  
2  
3  
4  
5  
6  
7  
8  
9  
20  
1  
2  
3  
4  
5  
6  
7  
8  
9  
30  
1  
2  
3  
4  
5  
6  
7  
8  
9

C40-4514

寫翁本座請大藏及有  
家書置之武州紫雲山  
我徵英塔院府府中未  
為學者不敢許出院內  
嵩山二世鐵牛機謹誌



B 64853

大方廣佛華嚴經疏鈔卷六十七

于闐國三藏沙門實又難陀 譯

清凉山大華嚴寺沙門澄觀撰述

入法界品第三十九之八

爾時善財童子於不動優婆夷所得聞法已專心憶  
念所有教誨皆悉信受思惟觀察漸漸遊行經歷國  
邑至都薩羅城於日沒時入彼城中屢店隣里四衢  
道側處處尋覓徧行外道。

疏第十徧行外道寄真實行第一依教趣求鈔

十徧行外道寄真實行智度已圓稱於二諦言行

不虛故名真實。

城東有山名曰善得。善財童子於中夜時見此山頂草樹巖巖。光明照耀。如日初出。見此事已。生大歡喜。作是念言。我必於此見善知識。便從城出而登彼山。見此外道。於其山上平坦之處。徐步經行。色相圓滿。威光照耀。大梵天王所不能及。十千梵衆之所圍繞。往詣其所。頭頂禮足。繞無量帀。於前合掌而作是言。聖者。我已先發阿耨多羅三藐三菩提心。而我未知菩薩云何學菩薩行。云何修菩薩道。我聞聖者善能教誨。願爲我說。

疏第二城東有山下見敬諮問。見中中夜見者。智入生死故。善財將入此位故。上云日沒入城於山頂者。表位極故。光明照者。以智慧光破於生死。及二邊闇故。

徧行荅言。善哉善哉。善男子。我已安住至一切處。菩薩行已成就。普觀世間三昧門已成就。無依無作。神通力已成就。普門般若波羅蜜。

疏第三徧行荅言下。稱讚授法。先讚發心。後善男子下。正授法界。於中二。先彰名體。有四者。智徧知故。四義雖別。而得相成。一化境普周。徧行之名亦

從此立。一入定觀機。二由無作神通。故能偏至前處。四由普門般若。故能在定普觀。若約別者。無作無依。用而無住。普門般若。無法不窮。

善男子。我普於世間種種方所。種種形貌。種種行解。種種歿生。一切諸趣。所謂天趣。龍趣。夜叉趣。乾闥婆。阿修羅。迦樓羅。緊那羅。摩睺羅伽。地獄。畜生。閻羅。王。界人。非人等。一切諸趣。或住諸見。或信二乘。或復信樂大乘之道。如是一切諸眾生中。我以種種方便。種種智門。而爲利益。所謂或爲演說一切世間種種技藝。令得具足。一切巧術。陀羅尼智。或爲演說四攝方

便。令得具足一切智道。或爲演說諸波羅蜜。令其迴向一切智位。或爲稱讚大菩提心。令其不失無上道意。或爲稱讚諸菩薩行。令其滿足淨佛國土。度眾生願。或爲演說造諸惡行。受地獄等種種苦報。令於惡業深生厭離。或爲演說供養諸佛。種種善根。決定獲得一切智果。令其發起歡喜之心。或爲讚說一切如來應正等覺。所有功德。令樂佛身。求一切智。或爲讚說諸佛威德。令其願樂佛不壞身。或爲讚說佛自在身。令求如來無能映蔽。大威德體。又善男子。此都薩羅城中一切方所。一切族類。若男若女。諸人衆中。我

皆以方便示同其形隨其所應而爲說法諸衆生等  
悉不能知我是何人從何而至唯令聞者如實修行  
善男子。如於此城利益衆生於閻浮提城邑聚落所  
有人衆住止之處悉亦如是而爲利益善男子。閻浮  
提內九十六衆各起異見而生執著我悉於中方便  
調伏令其捨離所有諸見如閻浮提餘四天下亦復  
如是如四天下三千大千世界亦復如是如三千大  
千世界如是十方無量世界諸衆生海我悉於中隨  
諸衆生心之所樂以種種方便種種法門現種種色  
身以種種言音而爲說法令得利益。

疏二善男子我普於下顯四業用卽分爲四。一明  
至一切處用二或在諸見下。普觀世間用。觀其所  
宜隨宜說故。三又善男子此都薩羅下。明無作無  
依用。故云不知從何而至。四善男子閻浮提內下。  
普門般若用。九十六種皆能窮故。上來隨勝別配。  
實則義通。

善男子。我唯知此至一切處菩薩行。如諸菩薩摩訶  
薩身與一切衆生數等。得與衆生無差別身。以變化  
身。普入諸趣。於一切處皆現受生。普現一切衆生之  
前。清淨光明徧照世間。以無礙願住一切劫。得如帝

網諸無等行。常勤利益一切衆生。恒與共居而無所著。普於三世悉皆平等。以無我智。周徧照耀。以大悲藏。一切觀察。而我云何能知。能說彼功德行。

疏四謙已推勝。

善男子。於此南方有一國土。名爲廣大。有鬻香長者。名優鉢羅華。汝詣彼問菩薩云。何學菩薩行。修菩薩道。

時善財童子頂禮其足。繞無量。而殷勤瞻仰。辭退而去。

爾時善財童子。因善知識教。不顧身命。不著財寶。不

樂人衆。不耽五欲。不戀眷屬。不重王位。唯願化度一切衆生。唯願嚴淨諸佛國土。唯願供養一切諸佛。唯願證知諸法實性。唯願修集一切菩薩大功德海。唯願修行一切功德。終無退轉。唯願恒於一切劫中。以大願力修菩薩行。唯願普入一切諸佛衆會道場。唯願入一三昧門。普現一切三昧門。自在神力。唯願於佛一毛孔中。見一切佛。心無厭足。唯願得一切法智。慧光明能持一切諸佛法藏。專求此等一切諸佛菩薩功德。漸次遊行至廣大國。

疏大文第四有十善友。寄十廻向。今初青蓮華

長者寄救護衆生離衆生相迴向在廣大國者。創入迴向故。迴向衆生故廣。迴向菩提故大。迴向實際。義通廣大。言鬻香者。鬻者賣也。香質雖小。發氣彌布。善根雖微。迴向普周。又若賣若買。二俱得香。自他善根。俱可迴向。青蓮華者。蓮華處淤泥而不染。猶護衆生而離相。青蓮華爲水中之最。救護爲入生死之尊。文亦分六。第一依教趣求中。先依教興願。以是迴向大願之首故。後漸次下。趣求後位。鈔初青蓮華長者。寄救護等者。大悲增上。救護衆生。大智無著。離衆生相。悲智無任。以立此名。迴

向實際義通廣大者。佛境方窮。橫周法界衆生界故。

詣長者所。頂禮其足。繞無量帀。合掌而立。白言聖者。我已先發阿耨多羅三藐三菩提心。欲求一切佛平等智慧。欲滿一切佛無量大願。欲淨一切佛最上色身。欲見一切佛清淨法身。欲知一切佛廣大智身。欲淨治一切菩薩諸行。欲照明一切菩薩三昧。欲安住一切菩薩總持。欲除滅一切所有障礙。欲遊行一切十方世界。而未知菩薩云何學菩薩行。云何修菩薩道。而能出生一切智智。

疏第二請長者下。見敬諮問。

長者告言。善哉善哉。善男子。汝乃能發阿耨多羅三藐三菩提心。善男子。我善別知一切諸香。亦知調合一切香法。

疏第三長者告言下。辯讚授法。先讚後授。授中二。先總標所得。後所謂下別顯業用。今初知世諸香以表法香。謂以戒定慧慈悲等香。熏修生善滅惡習氣故。善知一切香者。差別行也。亦知調合者。融通行也。以金剛杵碎之。實相般若波羅蜜調和。令純雜無礙。悲智圓融。成迴向故。

所謂一切香。一切燒香。一切塗香。一切末香。亦知如是。一切香王所出之處。又善了知天香。龍香。夜叉香。乾闥婆。阿修羅。迦樓羅。緊那羅。摩睺羅伽。人非人等。所有諸香。又善別知治諸病香。斷諸惡香。生歡喜香。增煩惱香。滅煩惱香。令於有爲生樂著香。令於有爲生厭離香。捨諸僞逸香。發心念佛香。證解法門香。聖所受用香。一切菩薩差別香。一切菩薩地位香。如是等香形相生起。出現成就清淨安隱方便境界。威德業用。及以根本。如是一切。我皆了達。

疏二別顯業用中二。先總相顯知。後指事別顯前。

中四。一知香體異。二又善了下。約類辨異。二又善別下。知力用異。前二約世。此兼出世。四如是等下。明委窮本末。上四各有事理思之。鈔上四各有事理者。如一知香體異。約事可知。約理者。如燒香。謂以智火發揮。萬行普周。徧故塗香者。以性淨水和之。篩法身故。末香者。以金剛智碎令無實故。卽以智及性淨等爲生處也。二約類辨異。言約理者。香卽習氣。行天之因。是天習氣熏灼成果故。亦是道習。從天而來。好光淨等。三知力用者。上二約文理。但約世香。而舍約理。此則文自具。二如厭有爲

等。約事治諸病香。白檀治熱。熏陸治冷。約理則對治行。所謂慈悲不淨觀等。斷諸惡香。如安息香。能碎惡邪。正見智慧。無惡不斷。又十善行等。生歡喜香。如沉檀等。卽稱根器行。悅自他等。增煩惱香。如蘭麝等。謂愛染行。如有漏定。增愛味等。滅煩惱香。如牛頭旃檀。先陀婆等。卽諸智忍等。令於有爲生愛著等。唯約理說。此卽人天勝因。厭離有爲。卽無常等。捨僞逸香。無我忍辱。不放逸等。發心念佛。香讚佛功德。說淨土行等。證解法門。深觀行等。聖所受用。卽觀真如無分別。一切菩薩差別香。三賢

十地所修勝劣等一切菩薩地位香者所證如智有淺深故。

善男子。人間有香。名曰象藏。因龍鬪生。若燒一丸。卽起大香雲。彌覆王都。於七日中。雨細香雨。若著身者。身則金色。若著衣服宮殿樓閣。亦皆金色。若因風吹入宮殿中。衆生顛者。七日七夜歡喜充滿。身心快樂。無有諸病。不相侵害。離諸憂苦。不驚不怖。不亂不恚。慈心相向。志意清淨。我知是已。而爲說法。令其決定。發阿耨多羅三藐三菩提心。善男子。摩羅耶山出栴檀香。名曰牛頭。若以塗身。設入火坑。火不能燒。善男子。

子。海中有香。名無能勝。若以塗鼓。及諸螺貝。其聲發時。一切敵軍皆自退散。善男子。阿那婆達多池邊出沉水香。名蓮華藏。其香一丸。如麻子大。若以燒之。香氣普熏。閻浮提界。衆生聞者。離一切罪。戒品清淨。善男子。雪山有香。名阿盧那。若有衆生。顛此香者。其心決定。離諸染著。我爲說法。莫不皆得離垢三昧。善男子。羅刹界中有香。名海藏。其香但爲轉輪王用。若燒一丸。而以熏之。王及四軍皆騰虛空。善男子。善法天中有香。名淨莊嚴。若燒一丸。而以熏之。普使諸天心念於佛。善男子。須夜摩天有香。名淨藏。若燒一丸。而

以熏之夜摩天衆莫不雲集彼天王所而共聽法善男子兜率天中有香名先陀婆於一生所繫菩薩座前燒其一丸興大香雲徧覆法界普雨一切諸供養具供養一切諸佛菩薩善男子普變化天有香名曰奪意若燒一丸於七日中普雨一切諸莊嚴具。

疏二人間有下指事別顯中有十種香初象藏香具前本末十事一但語香名必有形相二龍鬪爲生起三興雲爲出現四雨雨爲成就五金色爲清淨六喜樂爲安隱七無病等爲方便八慈心等爲境界九意淨爲威德其業用一種義通前七十我

知下是根本本爲菩提心故若就菩提心顯十義者以菩提心香似如來藏因善惡相攻而生若一發心興慈雲注法雨心所及者令歸眞淨得法喜樂離惑業苦展轉興慈志願純淨餘之九香皆應具法喻之十畧故或二或三摩羅耶者國名國多此香故此卽忍香噴火不燒三卽進香魔軍退散次五如次是五分法身香九卽稱法界香先陀婆一名四寶此宜用鹽香似此故十忘能所香故名奪意餘三可知鈔若就菩提心下二約法似如來藏本覺眞心性德圓備稱理發心故似藏也

二因善惡相攻而生。卽同因龍鬪生故。六波羅蜜經云。善惡互相熏。猶如二象鬪。弱者去無廻。安盡無來去。起信云。真如熏無明故。能發心厭求。三若一發心下出現。四靈法雨是成就。五心所及下清淨。六得法喜樂。卽安隱。七離惑業。苦卽方便。八展轉興。慈卽境界。九志願純淨。卽威德。亦業用。義通前七次。五如次。五分法身者。戒定可知。三王及四兵。皆騰空者。慧證空故。四心念於佛。脫五欲故。五集聽法。是知見故。

善男子。我唯知此調和香法。如諸菩薩摩訶薩。遠離一切諸惡習氣。不染世欲。永斷煩惱衆魔。宵索超諸有趣。以智慧香。而自莊嚴。於諸世間。皆無染著。具足成就。無所著戒淨。無著智行。無著境。於一切處。悉無有著。其心平等。無著無依。而我何能知其妙行。說其功德。顯其所有清淨戒門。示其所作無過失業。辨其離染身語意行。

善男子。於此南方。有一大城。名曰樓閣。中有船師名婆施羅。汝詣彼問菩薩。云何學菩薩行。修菩薩道。時善財童子。頂禮其足。繞無量匝。殷勤瞻仰。辭退而去。

爾時善財童子向樓閣城觀察道路。所謂觀道高卑。觀道夷險。觀道淨穢。觀道曲直。

疏第二船師婆施羅寄不壞迴向。鈔寄不壞迴向者。得不壞信。千種善根而迴向。故名爲不壞。疏婆施羅者。此云自在。謂於佛法海。已善通達。於生死海。能善運度。於一切法。深信不壞。故名自在。在樓閣城者。由此迴向。令菩提心轉更增長。悲智相依而勝出故。文中第一依教趣求。先依教觀道。於迴向道。初得不壞。故佛道爲高。餘皆是卑。生死涅槃爲夷險。障無障爲淨穢。二乘爲曲。菩薩爲直。

等。鈔佛道爲高下。此有十事五對。疏但畧示其相。而末言等者。等於餘義。具說觀相。乃有多意。一不壞相。則五是可依。五不可依。二不壞性。則不見高卑。無夷險等。是故經云。不見一法。是佛法者。不見一法。非佛法者。故金剛云。是法平等。無有高下。住正道者。則不分別是邪是正。三不見業惑。以爲所斷。不見智慧。以爲能斷。非有煩惱。非離煩惱。四不見生死。爲雜亂。不見涅槃。爲寂靜。生死涅槃。二際無差。五無大小三乘。及一乘非我所故。三性之及相。雙俱不壞。則雖無高下。不壞高卑。無高卑。

爲真高等。一契中。上三卽三觀意。四以無所得而爲方便。一時具觀。一具一切。方真觀矣。

漸次遊行。作是思惟。我當親近彼善知識。善知識者。是成就修行諸菩薩道。因是成就修行波羅蜜道。因是成就修行攝衆生道。因是成就修行普入法界無障礙道。因是成就修行令一切衆生除惡慧道。因是成就修行令一切衆生離憍慢道。因是成就修行令一切衆生捨諸見道。因是成就修行令一切衆生拔一切惡刺道。因是成就修行令一切衆生至一切智城道。因何以

故。於善知識處。得一切善法。故依善知識。力得一切智道。故善知識者。難見難遇。如是思惟。漸次遊行。

疏後漸次下。趣求後位。而興勝念。謂菩薩道。因人得故。卽於菩薩法師。得不壞信。於中先正明。後徵釋可知。

旣至彼城。見其船師。在城門外海岸上。任百千商人。及餘無量大衆圍繞。說大海法。方便開示佛功德海。善財見已。往詣其所。頂禮其足。繞無量帀。於前合掌。而作是言。聖者。我已先發阿耨多羅三藐三菩提心。而未知菩薩云何學菩薩行。云何修菩薩道。我聞聖

者善能教誨願爲我說。

疏第二旣至彼下見敬諮問見在海岸者若佛法海以生死爲此岸不捨生死故若生死海以大悲修因而爲此岸住大慈悲令離因故。鈔若佛法海者準下推勝乃有多海畧舉其二餘例可知。

船師告言善哉善哉善男子汝已能發阿耨多羅三藐三菩提心今復能問生大智因斷除一切生死苦因往一切智大寶洲因成就不壞摩訶衍因遠離二乘怖畏生死住諸寂靜三昧旋因乘大願車徧一切處行菩薩行無有障礙清淨道因以菩薩行莊嚴一切無能壞智清淨道因普觀一切十方諸法皆無障礙清淨道因速能趣入一切智海清淨道因。

疏第三船師告言下稱讚授法分二先讚問讚其發心後能問法文有九句前五能問果因後四能問因因故云道因三昧旋者旋謂深復沉而不流二乘沉寂動八萬劫故能遠離是菩薩道。

善男子我在此城海岸路中淨修菩薩大悲幢行。疏二善男子我在此下授已法界中二先標名體謂大悲超出爲物所歸故。

善男子我觀閻浮提內貧窮衆生爲饒益故修諸苦

華嚴疏鈔卷第六十七  
疏  
行隨其所願。悉令滿足。先以世物充滿其意。復施法財。令其歡喜。令修福行。令生智道。令增善根力。令起菩提心。令淨菩提願。令堅大悲力。令修能滅生死道。令生不厭生死行。令攝一切衆生海。令修一切功德海。令照一切諸法海。令見一切諸佛海。令入一切智海。善男子。我住於此。如是思惟。如是作意。如是利益一切衆生。

疏後善男子。我觀閻浮下。辨其業用中二。先明於陸化生。令知有海。

善男子。我知海中一切寶洲。一切寶處。一切寶類。一切寶種。我知淨一切寶鑽。一切寶。出一切寶。作一切寶。我知一切寶器。一切寶用。一切寶境界。一切寶光明。

疏後善男子。我知海中下。善知海相。於海化生。於中二。初明善知。後彰化成益。今初此寶洲等。生死法海。義皆有之。且約生死海釋。文中畧舉知五種事。一知寶。寶卽是智故。不入生死大海。則不能生一切智寶。於中有十二句。一生死海中。湛寂不動。謂之寶洲。二空不空。如來藏爲寶處。三恒沙功德。皆寶類。四佛性爲寶種。此上皆約本有。次四約

撰述  
華嚴疏鈔卷第六十一  
修成以淨戒頭陀等爲能淨。以緣起智爲能鑽。以發一切智心爲出因。聽聞爲能作。後四爲寶用。謂三乘等器。智慧有殊。照理斷惑。所用各別。所緣境界。萬品階差。破愚顯明。各各不等。

我知一切龍宮處。一切夜叉宮處。一切部多宮處。皆善迴避。免其諸難。

疏二我知一切龍下。卽生死中瞋貪癡之三毒部多。此云自生。亦如夜叉。但不從父母生。故喻多癡。亦善別知漩澗淺深。波濤遠近。水色好惡。種種不同。疏三亦善別知漩澗下。卽知心識相。色無色等。依

識心定。劫數淺深。七識波浪。染習遠近。隨善惡緣。心水色異。鈔色無色等者。沉空滯寂。卽漩澗義。無色初二萬。後後二二增。非想八萬劫爲深。二萬卽爲淺。色無晝夜殊。劫數等身量。則初最淺。上上漸深。未有無相。皆識心定。故爲心識相也。

亦善別知日月星宿。運行度數。晝夜晨晡。晷漏延促。疏四亦善別知日月等者。卽能知時。謂機之生熟。如是時中。宜修定慧等。

亦知其船鐵木堅脆。機關澁滑。水之大小。風之逆順。如是一切安危之相。無不明了。可行則行。可止則止。

疏五亦知其船。卽知萬行不同。有方便爲堅。無方便爲脆。曾修爲滑。不曾則澁。水之大小者。謂生處有邊與無邊。風之逆順者。八風四順。四逆。又謂修行有任與無任。故若開第三第五。各有三事。則弁總具十。鈔有方便爲堅等。七地已說。又謂修行有任無任者。上約外境界。世之八風。此約正修。無任爲順。出離有任爲逆。又有任則順。生處無任。反此。若開第三第五各三者。三中三者。一漩。洩。淺。深。二波。濤。遠。近。三水。色。好。惡。五中三者。一知其船。鐵。木。堅。脆。機。關。澁。滑。二水之大小。三風之逆順。此二各

三爲六。弁其餘二爲九。如是已下。總結爲十。可行則行。可止則止。雖是總結。義當一故。

善男子。我以成就如是智慧。常能利益一切衆生。善男子。我以好船。運諸商衆。行安隱道。復爲說法。令其歡喜。引至寶洲。與諸珍寶。咸使充足。然後將領。還闍浮提。善男子。我將大船。如是往來。未始令其一有損壞。若有衆生。得見我身。聞我法者。令其永不怖生。死海。必得入於一切智海。必能消竭諸憂。欲海。能以智光照三世海。能盡一切衆生。苦海。能淨一切衆生。心海。速能嚴淨一切刹海。普能往詣十方大海。普知一

切衆生根海。普了一切衆生行海。普順一切衆生心海。

疏二善男子。我以成就下。彰化成益。既列十海。則知前海。準此應思。前四自利。後六利他。後三文顯。

善男子。我唯得此大悲幢行。若有見我。及以聞我。與我同任。憶念我者。皆悉不空。如諸菩薩摩訶薩。善能遊涉生死大海。不染一切諸煩惱海。能捨一切諸妄見海。能觀一切諸法性海。能以四攝攝衆生海。已善安住一切智海。能滅一切衆生著海。能平等住一切時海。能以神通度衆生海。能以其時調衆生海。而我云何能知能說彼功德行。

善男子。於此南方。有城名可樂。中有長者。名無上勝。汝詣彼問菩薩云。何學菩薩行。修菩薩道。

時善財童子頂禮其足。繞無量匝。殷勤瞻仰。悲泣流淚。求善知識。心無厭足。辭退而去。

爾時善財童子起大慈周徧心。大悲潤澤心。相續不斷。福德智慧二種莊嚴。捨離一切煩惱塵垢。證法平等。心無高下。拔不善刺。滅一切障。堅固精進。以爲塹壘。甚深三昧。而作園苑。以慧日光。破無明暗。以方便

風開智慧華。以無礙願充滿法界。心常現入一切智城。如是而求菩薩之道。漸次經歷到彼城內。

疏第三無上勝長者寄等一切佛迴向。以得勝通無過上故。等於諸佛。更無勝故。在可樂國者。由等佛迴向。不見美惡。皆得清淨。歡喜悅樂故。文中第一可知。鈔寄等一切佛迴向者。謂等同三世一切如來能迴向道所迴向善故。以得勝通下。釋名。此約得法釋。等於下。約寄位釋。由等諸佛不見美惡者。經云。如是修學迴向道時。見一切色。乃至觸法。若美若惡。不生愛憎。心得自在。無諸過失。廣大清淨。歡喜悅樂。離諸憂惱。身心柔軟。諸根清淨。是也。

見無上勝在其城東大莊嚴幢無憂林中。無量商人自千居士之所圍繞。理斷人間種種事務。因為說法。令其永拔一切我慢。離我所捨所積聚。滅慳嫉垢。心得清淨。無諸穢濁。獲淨信力。常樂見佛。受持佛法。生菩薩力。起菩薩行。入菩薩三昧。得菩薩智慧。任菩薩正念。增菩薩樂欲。爾時善財童子觀彼長者為衆說法已。以身投地頂禮其足。良久乃起。白言。聖者。我是善財。我是善財。我專尋求菩薩之行。菩薩云何學也。

菩薩行。菩薩云何修菩薩道。隨修學時。常能化度一切衆生。常能現見一切諸佛。常得聽聞一切佛法。常能任持一切佛法。常能趣入一切法門。入一切刹學菩薩行。任一切劫。修菩薩道。能知一切如來神力。能受一切如來護念。能得一切如來智慧。

疏第二見無上勝下。見敬諮問。初見在城東者。啓明佛日故。處無憂林者。同佛廻向。無憂憎故。商人等圍繞者。佛爲商王。菩薩爲商人。法財外益。功歸已故。次爾時善財下。設敬。後白言下。諮問。稱名者。聲名久聞。表重法之器。冀有聞故。

時彼長者告善財言。善哉善哉。善男子。汝已能發阿耨多羅三藐三菩提心。善男子。我成就至一切處。菩薩行門無依無作神通之力。

疏第三時彼長者下。稱讚授法授法中。先標名體。由無作無依。故能徧至。徧至是用廣。無依是體勝。無依者。不依他故。無作者。離加行故。

善男子。云何爲至一切處。菩薩行門。善男子。我於此三千大千世界。欲界一切諸衆生中。所謂一切三十三天。一切須夜摩天。一切兜率陀天。一切善變化天。一切他化自在天。一切魔天。及餘一切天龍夜叉羅

楞嚴經卷第六十一  
三  
刹娑鳩槃荼乾闥婆阿修羅迦樓羅緊那羅摩睺羅  
伽人與非人村營城邑一切任處諸衆生中而爲說  
法。令捨非法。令息諍論。令除鬪戰。令止忿競。令破冤  
結。令解繫縛。令出牢獄。令免怖畏。令斷殺生。乃至邪  
見一切惡業不可作事。皆令禁止。令其順行一切善  
法。令其修學一切技藝。於諸世間而作利益。爲其分  
別種種諸論。令生歡喜。令漸成熟。隨順外道。爲說勝  
智。令斷諸見。令入佛法。乃至色界一切梵天。我亦爲  
其說起勝法。如於此三千大千世界。乃至十方十不  
可說百千億那由他佛刹微塵數世界中。我皆爲說

佛法。菩薩法。聲聞法。獨覺法。說地獄說地獄衆生說  
向地獄道說畜生說畜生差別說畜生受苦說向畜  
生道說閻羅王世間說閻羅王世間苦說向閻羅王  
世間道說天世間說天世間樂說向天世間道說人  
世間說人世間苦樂說向人世間道爲欲開顯菩薩  
功德爲令捨離生死過患爲令知見一切智人諸妙  
功德爲欲令知諸有趣中迷惑受苦爲令知見無障  
礙法爲欲顯示一切世間生起所因爲欲顯示一切  
世間寂滅爲樂爲令衆生捨諸想着爲令證得佛無  
依法爲令永滅諸煩惱輪爲令能轉如來法輪我爲

撰述  
聖嚴師金卷六十七  
三  
衆生說如是法。

疏二善男子云何下。徵釋業用。釋中明至一切處。廣說法故。文中先舉三千。後如於此三千下。類顯十方。

善男子。我唯知此至一切處修菩薩行清淨法門。無依無作神通之力。如諸菩薩摩訶薩。具足一切自在神通。悉能徧往一切佛刹。得普眼地。悉聞一切音聲。言說。普入諸法。智慧自在。無有乖諍。勇健無比。以廣長舌。出平等音。其身妙好。同諸菩薩。與諸如來。究竟無二。無有差別。智身廣大。普入三世境界。無際。同於虛空。而我云何能知能說彼功德行。

疏第四謙已推勝中。加清淨法門者。徧至本爲說法故。卽前所說。後二可知。

善男子。於此南方有一國土。名曰輸那。其國有城。名迦陵迦林。有比丘尼。名師子頻申。汝詣彼問菩薩云。何學菩薩行。修菩薩道。

時善財童子頂禮其足。繞無量帀。殷勤瞻仰。辭退而去。

爾時善財童子。漸次遊行。至彼國城。周徧推求。此比丘尼。有無量人。咸告之言。善男子。此比丘尼。在勝光

王之所捨施日光園中說法利益無量衆生。

疏第四至一切處迴向善友名師子嚙申者。舒展自在。無不至故。比丘尼者。純淨之慈。令善徧故。國名輪那者。此云勇猛勇猛之力。能使善根無不至故。又以十度明義。義當進故。城名迦陵迦林者。以義翻爲相鬪戰時。謂因鬪勝而立城故。表此迴向願。以信解大威力故。廣大智慧。無障礙故。令修善根。無所不至。義同戰時。鈔第四至一切處善友者。謂以大願力。令具善根。所成供等。徧一切故。疏文中第一依教趣求。言勝光王捨施日光園者。

準律尼之頭陀。多在王園藉外護故。表因實際勝光。令其善根徧法界之園苑故。並皆卽智。故有光名。

時善財童子。卽詣彼園周徧觀察。見其園中有一大樹。名爲滿月。形如樓閣。放大光明。照一由旬。見一葉樹。名爲普覆。其形如蓋。放毘瑠璃紺青光明。見一華樹。名曰華藏。其形高大。如雪山王。雨衆妙華。無有窮盡。如忉利天中波利質多羅樹。復見有一甘露果樹。形如金山。常放光明。種種衆果。悉皆具足。復見有一摩尼寶樹。名毘盧遮那藏。其形無比。心王摩尼寶最。

在其上阿僧祇色相摩尼寶周徧莊嚴復有衣樹名爲清淨種種色衣垂布嚴飾復有音樂樹名爲歡喜其音美妙過諸天樂復有香樹名普莊嚴恒出妙香普熏十方無所障礙。

疏第二時善財童子卽詣下見敬諮問中三先見次敬後問前中二初見依後見正今初有六一無漏林樹無漏法行而建立故文中有八各有所表思之鈔無漏林樹等者多是淨名佛道品偈云總持之園苑無漏法林樹覺意淨妙花解脫智慧果。

園中復有泉流陂池一切皆以七寶莊嚴黑栴檀泥凝積其中上妙金沙彌布其底八功德水具足盈滿優鉢羅華波頭摩華芬陀利華徧覆其上。

疏二園中復有下明八解泉流八功德者謂輕冷濡美淨而不臭調適無患鈔八解之浴池定水湛然滿布以七淨花浴此無垢人等。

無量寶樹周徧行列諸寶樹下敷師子座種種妙寶以爲莊嚴布以天衣熏諸妙香垂諸寶繒施諸寶帳閻浮金網彌覆其上寶鐸徐搖出妙音聲或有樹下敷蓮華藏師子之座或有樹下敷香王摩尼藏師子

之座。或有樹下。敷龍莊嚴摩尼王藏師子之座。或有樹下。敷寶師子聚摩尼王藏師子之座。或有樹下。敷毘盧遮那摩尼王藏師子之座。或有樹下。敷十方毘盧遮那摩尼王藏師子之座。其一一座。各有十萬寶師子座。周匝圍繞。一一皆具無量莊嚴。

疏三無量寶樹下。敷法空座。而隨法嚴異。於中有標列及結可知。

此大園中。衆寶徧滿。猶如大海寶洲之上。迦隣陀衣以布其地。柔軟妙好。能生樂觸。蹈則沒足。舉則還復。無量諸鳥出和雅音。寶栴檀林。上妙莊嚴種種妙華。常雨無盡。猶如帝釋雜華之園。無比香王普熏。一切猶如帝釋善法之堂。諸音樂樹寶多羅樹衆寶鈴網。出妙音聲。如自在天善口天女所出歌音。諸如意樹。種種妙衣。垂布莊嚴。猶如大海有無量色百千樓閣。衆寶莊嚴。如忉利天宮。善見大城。寶蓋遐張。如須彌峰。光明普照。如梵王宮。

疏四此大園下。雜明諸嚴。萬行非一故。

爾時善財童子。見此大園。無量功德種種莊嚴。皆是菩薩業報成就。出世善根之所生起。供養諸佛功德所流。一切世間無與等者。如是皆從師子頻申比丘。

尼了法如幻集廣大清淨福德善業之所成就。

疏五爾時善財下。出其所以。

三千大千世界天龍八部無量衆生皆入此園。而不  
迫窄。何以故此比丘尼不可思議威神力故。

疏六三千下。明果用自在。

爾時善財見師子頻申比丘尼。徧坐一切諸寶樹下。  
大師子座。身相端嚴。威儀寂靜。諸根調順。如大象土。  
心無垢濁。如清淨池。普濟所求。如如意寶。不染世法。  
猶如蓮花。心無所畏。如師子王。護持淨戒。不可傾動。  
如須彌山。能令見者。心得清涼。如妙香王。能除衆生  
諸煩惱熱。如雪山中妙栴檀香。衆生見者。諸苦消滅。  
如善見藥王。見者不空。如婆樓那天。能長一切衆善  
根芽。如良沃田。在一一座。衆會不同。所說法門。亦各  
差別。

疏二爾時善財見師子下。明見正報中四。初總明  
徧坐勝德顯彰。二別明所徧演法各異。三總結多  
類聞法發心。四通顯所因釋成自在。今初婆樓  
那者。此云水也。此天能滿人願故。鈔昔云水天  
者。總持教中有此天也。

或見處座淨居天衆所共圍繞。大自在天子而爲上

首此比丘尼爲說法門。名無盡解脫。或見處座。諸梵  
天衆所共圍繞。愛樂梵王而爲上首。此比丘尼爲說  
法門。名普門差別清淨。言音輪。或見處座。他化自在  
天。天子天女所共圍繞。自在天王而爲上首。此比丘  
尼爲說法門。名菩薩清淨心。或見處座。善變化。天  
子天女所共圍繞。善化天王而爲上首。此比丘尼爲  
說法門。名一切法善莊嚴。或見處座。毘率陀天子  
天女所共圍繞。毘率天王而爲上首。此比丘尼爲說  
法門。名心藏旋。或見處座。須夜摩天。天子天女所共  
圍繞。夜摩天王而爲上首。此比丘尼爲說法門。名無

邊莊嚴。或見處座。三十三天。天子天女所共圍繞。釋  
提桓因而爲上首。此比丘尼爲說法門。名厭離門。或  
見處座。百光明龍王。難陀龍王。優波難陀龍王。摩那  
斯龍王。伊羅跋難陀龍王。阿那婆達多龍王等。龍子  
龍女所共圍繞。娑伽羅龍王而爲上首。此比丘尼爲  
說法門。名佛神通境界光明莊嚴。或見處座。諸夜叉  
衆所共圍繞。毘沙門天王而爲上首。此比丘尼爲說  
法門。名救護衆生藏。或見處座。乾闥婆衆所共圍繞。  
持國乾闥婆王而爲上首。此比丘尼爲說法門。名無  
盡喜。或見處座。阿修羅衆所共圍繞。羅睺阿修羅王

而爲上首。此比丘尼爲說法門。各速疾莊嚴法界智門。或見處座。迦樓羅衆所共圍繞。捷持迦樓羅王而爲上首。此比丘尼爲說法門。各怖動諸有海。或見處座。緊那羅衆所共圍繞。大樹緊那羅王而爲上首。此比丘尼爲說法門。各佛行光明。或見處座。摩睺羅伽衆所共圍繞。菴羅林摩睺羅伽王而爲上首。此比丘尼爲說法門。各生佛歡喜心。或見處座。無量百千男子女人所共圍繞。此比丘尼爲說法門。各殊勝行。或見處座。諸羅刹衆所共圍繞。常奪精氣。大樹羅刹王而爲上首。此比丘尼爲說法門。各發生悲愍心。

疏二或見處座下。別明所徧中有三十處。分三。初十六爲八部人非人等。次二爲二乘。後十二爲菩薩。今初中先有七處爲天一。爲淨居天說無盡者。治彼那含。求盡身智故。二梵王普應。但於已衆廣及三千。爲說普門。則無不應。梵音清妙。但是世間。爲說法界勝流。方爲淨妙。三他化天。令得出世淨心。超世自在故。四化樂樂具莊嚴。不及善故。五旋歸如來藏心。則真喜足故。六徧嚴法界。方盡時分之樂。七釋天。馳欲甚故。次八爲龍。龍能通變。耀電降莊嚴故。九夜叉。性好飛空。害物故。十乾闥婆。

衆能奏樂喜樂故上三亦四王衆意存八部故闕  
南西十一修羅善幻爲莊嚴故十二迦樓羅動海  
怖龍故十三緊那羅是歌神以佛行光明破其著  
故又頭有一角亦云疑神令同佛覺離疑光明故  
十四摩睺羅伽多瞋毒故上來八部除第一第七  
及夜叉衆摩睺羅伽約對治說餘皆約隨便宜隨  
其世能轉入出世故緊那羅衆通其二義第十五  
一座爲人人多行不善行設行仁義亦非勝故故  
令起出世勝行十六一座爲羅刹則是非人亦治  
多殘害故

或見處座信樂聲聞乘衆生所共圍繞此比丘尼爲  
說法門名勝智光明或見處座信樂緣覺乘衆生所  
共圍繞此比丘尼爲說法門名佛功德廣大光明  
疏次二爲二乘者聲聞智劣故緣覺修福止百劫  
故緣起智光未能忘緣故

或見處座信樂大乘衆生所共圍繞此比丘尼爲說  
法門名普門三昧智光明門或見處座初發心諸菩  
薩所共圍繞此比丘尼爲說法門名一切佛願聚或  
見處座第二地諸菩薩所共圍繞此比丘尼爲說法  
門名離垢輪或見處座第三地諸菩薩所共圍繞此

比丘尼爲說法門名寂靜莊嚴或見處座第四地諸菩薩所共圍繞此比丘尼爲說法門各生一切智境界或見處座第五地諸菩薩所共圍繞此比丘尼爲說法門各妙華藏或見處座第六地諸菩薩所共圍繞此比丘尼爲說法門各毘盧遮那藏或見處座第七地諸菩薩所共圍繞此比丘尼爲說法門各普莊嚴地或見處座第八地諸菩薩所共圍繞此比丘尼爲說法門各徧法境界身或見處座第九地諸菩薩所共圍繞此比丘尼爲說法門各無所得力莊嚴或見處座第十地諸菩薩所共圍繞此比丘尼爲說

法門名無礙輪或見處座執金剛神所共圍繞此比丘尼爲說法門各金剛智那羅延莊嚴

疏後十二爲菩薩分三初一爲地前說定慧之光次十爲地上初發心者證發心也發十大願故五地妙華藏者華謂十種平等淨心故晉經云淨心華藏華藏者以真俗雙修於難得勝爲因含藏故餘八可知後一義當等覺說金剛喻定壞散塵習故旣爲等覺而說明此位非小言廻向者約寄位耳他皆倣此鈔證發心者疏中隨難但釋二句今當畧釋二地三聚圓滿故三地修八禪故四地

得無行無生行慧光故。五地如疏。六地般若現前。徧照普得故。七地有中殊勝行。修習一切菩提分故。名普莊嚴。八地得無生忍。於三世間皆悉自在。得忍如空。念念入法流故。九地以無所得而爲方便。力度徧增。具足辯才。演一切法爲莊嚴故。十地諸障已摧。十度已滿。三祇已圓。故善財童子見如是等一切諸趣所有衆生。已成熟者。已調伏者。堪爲法器。皆入此園。各於座下圍繞而坐。師子頻申比丘尼隨其欲解勝劣差別而爲說法。令於阿耨多羅三藐三菩提得不退轉。

疏第三善財童子見如是下。總結多類聞法發心可知。

何以故。此比丘尼入普眼捨得般若波羅蜜門。說一切佛法般若波羅蜜門。法界差別般若波羅蜜門。散壞一切障礙輪般若波羅蜜門。生一切衆生善心般若波羅蜜門。殊勝莊嚴般若波羅蜜門。無礙真實藏般若波羅蜜門。法界圓滿般若波羅蜜門。心藏般若波羅蜜門。普出生藏般若波羅蜜門。此十般若波羅蜜門爲首。入如是等無數百萬般若波羅蜜門。此日光園中所有菩薩及諸衆生。皆是師子頻申比丘尼。

初勸發心。受持正法。思惟修習。於阿耨多羅三藐三菩提得不退轉。

疏第四何以故下。總顯所因。釋成自在有二。一由能化。具般若政。二此日光下。由彼所化。根已熟。故時善財童子見師子頻申比丘尼如是園林。如是牀座。如是經行。如是衆會。如是神力。如是辯才。復聞不可思議法門。廣大法雲潤澤其心。便生是念。我當右繞無量百千匝。時比丘尼放大光明。普照其園。衆會莊嚴。善財童子卽自見身及園林中所有衆樹。皆悉右繞此比丘尼。經於無量百千萬匝。圍繞畢已。善財

童子合掌而住。

疏二時善財童子下。設敬於中。三初觀勝發心。次放光攝受。後正申敬儀。

白言聖者。我已先發阿耨多羅三藐三菩提心。而未知菩薩云何學菩薩行。云何修菩薩道。我聞聖者。善能誘誨。願爲我說。

疏三白言下。問法。

比丘尼言。善男子。我得解脫。各成就一切智。善財言。聖者。何故名爲成就一切智。比丘尼言。善男子。此智光明。於一念中。普照三世一切諸法。善財白言。聖者。

撰述  
華嚴疏鈔卷六十七  
三  
此智光明境界云何。

疏第三比丘尼言下授已法界中三初標名一切智者同佛智故。二善財言下徵釋其體。一念普照故。三善財自言下辨其業用。先問後答。

比丘尼言善男子。我入此智光明門。得出生一切法三昧王。以此三昧故。得意生身。往十方一切世界。兜率天宮。一生所繫菩薩所。一菩薩前。現不可說佛刹微塵數身。一身作不可說佛刹微塵數供養。所謂現天王身。乃至人王身。執持華雲。執持鬘雲。燒香塗香。及以末香。衣服纓絡。幢幡繒蓋。寶網寶帳。寶藏

寶燈。如是一切諸莊嚴具。我皆執持。而以供養。如於在兜率宮菩薩所如是。於在胎出胎在家出家。在諸道場。成等正覺。轉正法輪。入於涅槃。如是中間。或在天宮。或在龍宮。乃至或復在於人宮。於彼一一諸如來所。我皆如是。而爲供養。若有衆生。知我如是供養佛者。皆於阿耨多羅三藐三菩提。得不退轉。若有衆生。來至我所。我卽爲說般若波羅蜜。善男子。我見一切衆生。不分別衆生相。智眼明見故。聽一切語言。不分別語言相。心無所著故。見一切如來。不分別如來相。了達法身故。任持一切法輪。不分別法輪相。悟法

撰述  
華嚴疏鈔卷第六  
自性故一念徧知一切法。不分別諸法相。知法如幻故。

疏荅中二。先明通用。後明智用。前中亦二。先辨用所依。謂由一切智。能入王三昧故。王三昧者。智論第七云。一切三昧。皆入中故。體卽如如。如體本寂。眞智契此。故名三昧。以一切智言。有其二義。一徧知三世一切事故。二對於種智。名根本智。知一切事皆一實故。以卽權之實智。契卽事之實理故。一切三昧。皆入其中。又由王三昧。體無不徧。故意生身。隨類能成。二在十方下。辨能依業用。可知。二善

男子我見下。明其智用。又前卽差別智用。今卽無分別智用。故觸境無取。鈔智論第七一切三昧。皆入中者。論有喻云。譬如大海。謂若百川歸大海。故又有人言。王三昧者。在第四禪。故有人云。佛三昧。誰能相知。一切佛法。一相無相。無量無數。不可知。唯佛能知。佛神足持戒。尚不了知。况復一切三昧。釋曰。此但次勝耳。

善男子。我唯知此成就一切智解脫。如諸菩薩摩訶薩。心無分別。普知諸法。一身端坐。充滿法界。於自身中。現一切刹。一念悉詣一切佛所。於自身內。普現一

切諸佛神力。一毛徧舉不可言說諸佛世界。於其自身一毛孔中現不可說世界成壞於一念中與不可說不可說衆生同住於一念中入不可說不可說一切諸劫而我云何能知能說彼功德行。

善男子。於此南方有一國土名曰險難。此國有城名寶莊嚴。中有女人名婆須蜜多。汝諸彼問菩薩云何學菩薩行。修菩薩道。

時善財童子頂禮其足。繞無數匝。殷勤瞻仰。辭退而去。

信官鍾永年。仝室徐氏。捐資五兩四錢四分刻此一卷。崇薦本生先考南泉孫公。冥達徧行真實之行。薰染青蓮法門之香。渡般若岸於船師。叅無上勝於樂國。或遇師子頻申而勸發。更謁婆須蜜多而罔疑。隨在叅隨。實報淨域者。

大方廣佛華嚴經疏鈔卷六十七終

撰述

三藏所金卷六十一

三

師

善男  
 寶  
 變與蜜塗而具法  
 學 然無上親杖樂國短攝酒子賊申而博發更雷  
 時 實之 蕭梁青義志門 玄香 戴無 法 氣 然 無 國  
 去 此 一 卷 端 惠 本 主 次 法 南 泉 濟 公 冥 義 發 口 真  
 計 官 驗 永 平 空 室 奈 入 計 資 正 兩 四 疑 四 公 啟

大方廣佛華嚴經疏鈔卷第六十八

于闐國三藏沙門實叉難陀 譯

清涼山大華嚴寺沙門澄觀撰述

入法界品第三十九之九

爾時善財童子大智光明照啟其心。思惟觀察見諸  
 陀羅尼門。得與一切衆生作所歸依。大悲力得觀察  
 一切法義。理光明門。得充滿法界清淨願。得普照十  
 方一切法智光明。得徧莊嚴一切世界自在力。得普  
 發起一切菩薩業圓滿願。

支那

華嚴疏鈔卷六十八

一

疏第五無盡功德藏迴向。鈔由迴向力能成無盡功德藏故。

疏善友名婆須蜜多者。此云世友。亦云天友。隨世人天方便化故。國名險難者。逆行非道。下位不能行故。城名寶莊嚴者。逆隨世行。能生無盡功德藏故。第一依教趣求中。二先依教成益。謂由聞一切智光故。思修趣入。得二種益。一得見實法性益。出前寶智故。二得了知下。得權智益。由前窮三世差別智故。

漸次遊行至險難國寶莊嚴城處處尋覓婆須蜜多

女。

疏二漸次下。趣求後位。於中四。一專心尋覓。

城中有人不知此女功德智慧。作如是念。今此童子。諸根寂靜。智慧明了。不迷不亂。諦視一尋。無有疲懈。無所取著。目視不瞬。心無所動。甚深寬廣。猶如大海。不應於此。婆須蜜女有貪愛心。有顛倒心。生於淨想。生於欲想。不應爲此女色所攝。此童子者。不行魔行。不入魔境。不沒欲泥。不被魔縛。不應作處。已能不作。有何等意。而求此女。

疏二城中下。淺識致疑。逆行難知故。不自疑者。貪

撰述  
華嚴疏鈔卷之六十一  
二  
順於悲障行劣故。不同前二。又於前二已調伏故。此中不疑。

其中有人。先知此女有智慧者。告善財言。善哉善哉。善男子。汝今方能推求。尋覓婆須蜜女。汝已獲得廣大善利。善男子。汝應決定求佛果位。決定欲爲一切衆生作所依怙。決定欲拔一切衆生貪愛毒箭。決定欲破一切衆生於女色中所有淨想。善男子。婆須蜜女。於此城內市廛之北。自宅中住。

疏三。其中有人。先知下。深智讚教。先讚後善男子。婆須下。教示所在。市者喧雜。比至於滅。自宅卽畢。

竟空寂。謂在欲行禪。處喧常寂。故在市廛之北等。時善財童子聞是語已。歡喜踊躍。往詣其門。

疏四。時善財下。依教往詣。

見其住宅。廣博嚴麗。寶牆寶樹。及以寶塹。一一皆有十重圍繞。其寶塹中。香水盈滿。金沙布地。諸天寶華。優鉢羅華。波頭摩華。拘物頭華。芬陀利華。徧覆水上。宮殿樓閣。處處分布。門闥胞牖。相望間列。咸施網鐸。悉置幡幢。無量珍奇。以爲嚴飾。瑠璃爲地。衆寶間錯。燒諸沉水。塗以梅檀。懸衆寶鈴。風動成音。散諸天華。徧布其地。種種嚴麗。不可稱說。諸珍寶藏。其數百千。

十大園林以爲莊嚴。爾時善財見此女人。顏貌端嚴。色相圓滿。皮膚金色。目髮紺青。不長不短。不麤不細。欲界人天無能與比。音聲美妙。超諸梵世。一切衆生。差別言音。悉皆具足。無不解了。深達字義。善巧談說。得如幻智。入方便門。衆寶瓔珞。及諸嚴具。莊嚴其身。如意摩尼以爲寶冠。而冠其首。復有無量眷屬圍繞。皆共善根。同一行願。福德大藏。具足無盡。時娑須蜜多。女從其身出。廣大光明。普照宅中。一切宮殿。遇斯光者。身得清涼。

疏第二見其下。見敬咨問。見中先見依報。畢竟空中。無德不具。故廣顯其嚴。後爾時下見正報。具有王伴德用。

爾時善財前詣其所。頂禮其足。合掌而住。白言。聖者。我已先發阿耨多羅三藐三菩提心。而未知菩薩云何學菩薩行。云何修菩薩道。我聞聖者。善能教誨。願爲我說。

疏二爾時善財前詣下。敬問可知。彼卽告言。善男子。我得菩薩解脫。名離貪欲際。

疏第三彼卽告下。授已法界。於中二。先標名離貪欲際者。凡夫染欲。二乘見欲可離。菩薩不斷貪欲。

而得解脫。智了性空。欲卽道故。如是染而不染。方爲究竟離欲之際。

隨其欲樂而爲現身。若天見我。我爲天女。形貌光明。殊勝無比。如是乃至人非人等。而見我者。我卽爲現人。非人女。隨其樂欲。皆令得見。若有衆生。欲意所纏。來詣我所。我爲說法。彼聞法已。則離貪欲。得菩薩無著境界三昧。若有衆生。暫見於我。則離貪欲。得菩薩歡喜三昧。若有衆生。暫與我語。則離貪欲。得菩薩無礙音聲三昧。若有衆生。暫執我手。則離貪欲。得菩薩徧往一切佛刹三昧。若有衆生。暫升我座。則離貪欲。

得菩薩解脫光明三昧。若有衆生。暫觀於我。則離貪欲。得菩薩寂靜莊嚴三昧。若有衆生。見我頻申。則離貪欲。得菩薩摧伏外道三昧。若有衆生。見我目瞬。則離貪欲。得菩薩佛境界光明三昧。若有衆生。抱持於我。則離貪欲。得菩薩攝一切衆生。恒不捨離三昧。若有衆生。啖我唇吻。則離貪欲。得菩薩增長一切衆生福德藏三昧。凡有衆生。親近於我。一切皆得在離貪際。入菩薩一切智地。現前無礙解脫。

疏二隨其下顯業用。於中先身同類現。後若有衆生下。以法益生。中有十種三昧。皆隨受欲便宜得。

斯甚深三昧思之。

善財白言。聖者。種何善根。修何福業。而得成就如是自在。荅言。善男子。我念過去。有佛出世。名爲高行。其王都城。名曰妙門。善男子。彼高行如來。哀愍衆生。入於王城。蹈彼門闥。其城一切。悉皆震動。忽然廣博。衆寶莊嚴。無量光明。遞相映徹。種種寶華。散布其地。諸天音樂。同時俱奏。一切諸天。充滿虛空。善男子。我於彼時。爲長者妻。名曰善慧。見佛神力。心生覺悟。則與其夫。往詣佛所。以一寶錢。而爲供養。是時文殊師利童子。爲佛侍者。爲我說法。令發阿耨多羅三藐三菩提心。

提心。

疏三善財白言下。得法因緣。先問後荅。一寶錢施者。有二義。一寶而能捨。故得離貪。二一錢雖微。以善提心故。成斯自在。

善男子。我唯知此菩薩離貪際解脫。如諸菩薩摩訶薩。成就無邊巧方便智。其藏廣大。境界無比。而我云何能知。能說彼功德行。善男子。於此南方。有城名善度。中有居士。名鞞瑟胝羅。彼常供養栴檀座佛塔。汝詣彼問。菩薩云。何學菩薩行。修菩薩道。時善財童子。頂禮其足。繞無量匝。殷勤瞻仰。辭退而去。

爾時善財童子。漸次遊行。至善度城。

疏第六入一切平等善根迴向善友。名鞞瑟胝羅者。此云纏裹。義當包攝。塔中包攝一切佛故。或云攝入。攝諸善根。入平等故。城名善度者。無一善根不度到究竟故。常供佛塔者。善根中最故。未詳何緣徧供此塔。有云以塔中定有梅檀之座。爲欲普供無盡佛故。亦是一理。文中第一依教趣求。闕無念法。鈔入一切平等善根迴向善友者。事理無違。皆入等理故。

詣居士宅頂禮其足。合掌而立。自言。聖者。我已先發

阿耨多羅三藐三菩提心。而未知菩薩云何學菩薩行。云何修菩薩道。我聞聖者善能誘誨。願爲我說。

疏第二詣居士下見敬咨問。

居士告言。善男子。我得菩薩解脫。名不般涅槃際。善男子。我不生心言。如是如來已般涅槃。如是如來現般涅槃。如是如來當般涅槃。我知十方一切世界諸佛如來。畢竟無有般涅槃者。唯除爲欲調伏衆生而示現耳。

疏第三居士告下。正授法界於中四。一標名不般涅槃際者。般者入也。窮諸如來不入涅槃之實際。

撰述  
華嚴疏鈔卷六十八  
故故出現品云。如實際涅槃。如來涅槃亦如是。二善男子。我不生心下顯體。謂心契實際。知佛常住。三唯除下釋疑。並如出現品辨。楞伽亦云。無有佛涅槃。無有涅槃佛。鈔楞伽云。無有涅槃佛等者。卽是經初大慧讚於如來具知三性。以成三身。初有四偈。明徧記依他。謂世間離生滅等。十忍品已引。今此卽歎具於圓成。云一切無涅槃。無有涅槃佛。無有佛涅槃。遠離覺所覺。若有若無。有是二悉俱離。牟尼寂靜觀。是則遠離生。是名爲不取。今世後世淨。有二偈半。大雲解云。初一偈。令了一如。謂

約無願觀。以顯圓成。無涅槃佛。故無願矣。初句謂色心等一切法中。無得涅槃。以一切法本性如故。若得涅槃。是斷常見。滅法是斷證。得是常。次二句。旣無涅槃。云何有佛。故經云。見斷煩惱。而得成佛。此則名爲壞佛法者。煩惱與佛性寂滅故。三四句中。所覺如故。無有涅槃。能覺如故。無有得佛。離覺所覺。混同一如。釋曰。然上所解。理則盡矣。而消文未妙。今謂初句遣所證涅槃。次句遣能證之佛。第三句無能所契合。第四句總結所由。由離能所。故皆無矣。無卽空義。同一如矣。次若有兩句。明不生

撰述  
善財童子  
二見正顯圓成。遠離見過。前偈破執。此顯不著。初  
句人法是有。無我是無。二障是有。無相是無。涅槃  
及佛。此則是有。離覺所覺。此則是無。皆成見過。義  
須離之。故云是二悉俱離。後一偈明牟尼正觀。此  
歎世尊寂靜功德。了一切法。本來寂靜。無有一法。  
而是生者。生見既亡。不生豈有。無生無滅。故無可  
取。亦無可捨。非染非淨。故二世淨。今初但引二句。  
足證不般涅槃耳。

善男子。我開梅檀座。如來塔門時。得三昧名佛種無  
盡。善男子。我念念中。入此三昧。念念得知一切無量

殊勝之事。善財自言。此三昧者。境界云何。居士荅言。  
善男子。我入此三昧。隨其次第。見此世界。一切諸佛  
所謂迦葉佛。拘那含牟尼佛。拘留孫佛。尸棄佛。毘婆  
尸佛。提舍佛。弗沙佛。無上勝佛。無上蓮華佛。如是等  
而爲上首。於一念頃。得見百佛。得見千佛。得見百千  
佛。得見億佛。千億佛。百千億佛。阿庾多億佛。那由他  
億佛。乃至不可說不可說世界。微塵數佛。如是一切  
次第。皆見。亦見彼佛。初始發心。種諸善根。獲勝神通。  
成就大願。修行妙行。具波羅蜜。入菩薩地。得清淨忍。  
摧伏魔軍。成正等覺。國土清淨。衆會圍繞。放大光明。

撰述  
聖嚴師金卷六十八  
轉妙法輪神通變現種種差別。我悉能持。我悉能憶。悉能觀察。分別顯示。未來彌勒佛等一切諸佛。現在毘盧遮那佛等一切諸佛。悉亦如是。如此世界十方世界所有三世一切諸佛。聲聞獨覺諸菩薩衆。悉亦如是。

疏四善男子。我開下。顯其業用。於中二。先辨用所依。亦是證前不涅槃義。舉現見故。佛種無盡者。佛種從緣起。佛緣理生。見理湛然。故見佛無滅。以佛化身。卽是常身法身故。後善財白下。問答境界。鈔佛種從緣起。佛緣理生者。上句是法華經下句。

是生公釋。古有二釋。並如前引。今引生公。正順經中佛種無盡之言。其卽是常身法身。亦涅槃文。涅槃二十三云。又善男子。斷煩惱者。不名涅槃。不生煩惱。乃名涅槃。諸佛如來。煩惱不起。是名涅槃。所有智慧。於法無礙。是爲如來。非是凡夫。聲聞緣覺菩薩。是名佛性。如來身心智慧。徧滿無量無邊阿僧祇土。無所障礙。是名虛空。如如常住。無有變易。名曰實相。以是義故。如來實不畢竟涅槃。釋曰。此皆明無永滅之涅槃。則是常住真涅槃。

善男子。我唯得此菩薩。所得不般涅槃。際解脫。如諸

撰述  
菩薩摩訶薩。以一念智。普知三世。一念徧入一切三昧。如來智日。恒照其心。於一切法。無有分別。了一切佛。悉皆平等。如來及我。一切衆生。等無有二。知一切法。自性清淨。無有思慮。無有動轉。而能普入一切世間。離諸分別。任佛法印。悉能開悟。法界衆生。而我云何。能知能說。彼功德行。

疏第四謙已推勝。推勝中長者雖知三世不滅。未能一念而知。及能所平等。

善男子。於此南方。有山名補怛洛伽。彼有菩薩。名觀自在。汝請彼問菩薩云。何學菩薩行。脩菩薩道。卽說

頌言

海上有山多聖賢。衆寶所成極清淨。華果樹木皆徧滿。泉流池沼悉具足。

勇猛丈夫觀自在。爲利衆生住此山。汝應任問諸功德。彼當示汝大方便。

疏第五善男子於此南方下。指示後友中。先長行。後偈頌。以大悲菩薩。衆尊重故。徧加於頌。言海上。有山者。大悲隨順。入生死海。而住涅槃山故。卽南印度之南。

時善財童子頂禮其足。繞無量匝已。殷勤瞻仰。辭退。

而去。

爾時善財童子。一心思惟彼居士教。入彼菩薩解脫之藏。得彼菩薩能隨念力。憶彼諸佛出現次第。念彼諸佛相續次第。持彼諸佛名號次第。觀彼諸佛所說妙法。知彼諸佛具足莊嚴。見彼諸佛成正等覺。了彼諸佛不思議業。漸次遊行。至於彼山。處處求覓此大菩薩。

疏第七等隨順一切衆生。廻向善友。名觀自在。三業歸向。必六通赴緣。攝利難思。名觀自在。由此能徧隨順衆生。鈔第七等隨順一切衆生善友者。

謂以善根等心。順益諸衆生故。疏文有二。一畧釋名。三業歸向。如下別中。六通赴緣者。謂天眼遙觀。天耳遙聞。他心遙知。神足速赴。宿命知其可度。漏盡令其解脫。攝謂攝受。利謂利樂。並如下經。由此下。釋寄位名。

疏在補怛落迦山者。此云小白華樹。山多此樹。香氣遠聞。聞見必欣。是隨順義。又觀自在者。或云觀世音。梵云婆盧枳底觀也。溼伐羅此云自在。若云攝伐多。此云音。然梵本之中。自有二種不同。故譯者隨異。而法華觀音品中云。觀其音聲。皆得解脫。

即觀世音也。若具三業攝化，即觀自在。故彼中初語業稱名除七災，二身業禮拜滿二願，三意業存念淨三毒。而今多念觀音者，以語業用多故。又人多稱故。今取義圓，故云自在。鈔而法華下成觀音義，即彼經最初答無盡意佛告無盡意菩薩，若有無量百千萬億衆生，受諸苦惱，聞是觀世音菩薩，一心稱名觀世音菩薩，即時觀其音聲，皆得解脫。釋曰：上即總意，亦偏身語。若具三業下，三成自在義，亦彼經文初標，故彼經下出三業相。一初語業稱名除七災者，經云：若有持是觀世音菩薩名

者，設入大火，火不能燒。由是菩薩威神力故。

其一

若爲大水所漂，稱其名號，即得淺處。

其二

若有百

千萬億衆生，爲求金銀琉璃磚磔瑪瑙珊瑚琥珀真珠等寶，入於大海，假使黑風吹其船舫，漂墮羅刹鬼國，其中若有乃至一人稱觀世音菩薩名者，是諸人等皆得解脫羅刹之難。以是因緣，名觀世音。其三若復有人臨當被害，稱觀世音菩薩名者，彼所執刀杖尋段段壞。其四下取意引。一火不能燒，二水不能漂，三惡風不吹，四刀杖段壞，五惡鬼莫視，六枷鎖離身，七怨賊解脫，二身業禮拜滿二

願者謂設欲求男便生福德智慧之男設欲求女便生端正有相之女三意業存念淨三毒者若有衆生多於姪欲常念恭敬觀世音菩薩便得離欲若多瞋恚多癡准例上貪斯卽三業歸向也彼經畧舉若準下經及彼偈文危苦衆生多應時權救斯爲自在今取下五結成自在上通相釋。

疏然觀卽能觀通一切觀世是所觀通一切世若能化之用鈔然觀卽下第三隨字別釋觀卽能觀者顯屬菩薩通一切觀者卽智者意然彼經文

繁博今取意釋謂三業歸依觀通心眼了見諸相而無所著徹見體性空有無礙一切種智圓頓觀察故經云真觀清淨觀廣大智慧觀悲觀及慈觀常願常瞻仰無垢清淨光慧日破諸暗能伏災風火普明照世間皆是觀義言世是所觀通一切世者世畧有三謂三世間若山若水懸崖邃谷畏難之處器世間也無量衆生卽衆生世間亦觀佛會所有衆生常在一切諸如來所卽是觀察智正覺世間從若云自在下按文就義自在卽寬直就名言自在却局闕所觀故然有能觀必有所觀不爾

撰述  
華嚴疏鈔卷之八  
於何而得自在能所無二不壞能所一觀一切觀無觀無不觀爲真觀矣。

疏文中但有五段闕第六禮辭第一依教起求。

見其西面巖谷之中泉流縈映樹木蒼鬱香草柔軟右旋布地觀自在菩薩於金剛寶石上結跏趺坐無量菩薩皆坐寶石恭敬圍繞而爲宣說大慈悲法令其攝受一切衆生善財見已歡喜踴躍合掌諦觀目不暫瞬作如是念善知識者則是如來善知識者一切法雲善知識者諸功德藏善知識者難可值遇善知識者十力寶因善知識者無盡智炬善知識者福

德根芽善知識者一切智門善知識者智海導師善知識者至一切智助道之具便卽往詣大菩薩所爾時觀自在菩薩遙見善財告言善來汝發大乘意普攝衆生起正直心專求佛法大悲深重救護一切普賢妙行相續現前大願深心圓滿清淨勤求佛法悉能領受積集善根恒無厭足順善知識不違其教從文殊師利功德智慧大海所生其心成熟得佛勢力已獲廣大三昧光明專意希求甚深妙法常見諸佛生大歡喜智慧清淨猶如虛空既自明了復爲他說安住如來智慧光明。

疏第二見其西面下見敬咨問先見有二初見勝  
依正在西面者西方主殺顯悲救故又令歸向本  
所事故二善財見已下彰見之益以得勝念熏心  
故善知識者則是如來者引至究竟同於佛故三  
爾時觀自在下友垂讚攝大悲深厚隨順攝受故  
鈔又令歸向本所事者本事卽是阿彌陀令誦  
者令先稱本師之名頂上化佛卽是彌陀故  
爾時善財童子頂禮觀自在菩薩足繞無數匝合掌  
而住白言聖者我已先發阿耨多羅三藐三菩提心  
而未知菩薩云何學菩薩行云何修菩薩道我聞聖  
者善能教誨願爲我說

疏二爾時善財下敬問可知

菩薩告言善哉善哉善男子汝已能發阿耨多羅三  
藐三菩提心善男子我已成就菩薩大悲行解脫門  
善男子我以此菩薩大悲行門平等教化一切衆生  
相續不斷

疏第三菩薩告言下稱讚授法先讚後授授中三  
初標名二我以此下總顯體相亦是釋名平等教  
化卽是大悲以同體悲故云平等相續不斷卽是  
行門又門卽普門普門示現曲濟無遺故鈔又

門卽普門。普門示現曲濟無遺故者。以普門字釋經行門。普門之名。卽法華經觀音品目曲濟無遺。謂之普。從悟通神謂之門。天台智者說有十普。一慈悲普。二弘誓普。三修行普。四離惑普。五入法門普。六神通普。七方便普。八說法普。九成就衆生普。十供養諸佛普。此十一。一稱實普。周今經下文業用之中。畧列十一門。卽十一普。

善男子。我住此大悲行門。常在一切諸如來所。普現一切衆生之前。或以布施。攝取衆生。或以愛語。或以利行。或以同事。攝取衆生。或現色身。攝取衆生。或現種種不思議色。淨光明網。攝取衆生。或以音聲。或以威儀。或爲說法。或現神變。令其心悟。而得成熟。或爲化現同類之形。與其共居。而成熟之。

疏三善男子。我住此下。廣顯業用。於中二。先約普門。以顯業用。後約大悲。前中先總明。以上同如來妙覺真心。故常在一切諸如來所。下與衆生同大悲體。故普現一切衆生之前。普現卽普門。示現然大聖久成正覺。號正法明。示爲菩薩。義言等佛耳。鈔然大聖久成正覺者。卽千手千眼陀羅尼經。依無量壽經。繼無量壽。次當作佛。號寶光功德山。

王亦迹門爾。

疏後或以布施下別明普現之義有十一句。方法華經三十五應乍觀似少。義取乃多。彼三十五應。但是此中或現色身。及說法耳。鈔方法華經三十五應者。卽無盡意問云。觀世音菩薩云何遊此娑婆世界。云何而爲衆生說法。方便之力。其事云何。佛告無盡意。若有國土衆生應以佛身得度者。卽現佛身而爲說法。二辟支佛。三聲聞。四梵王。五帝釋。六自在天王。七大自在天。八大將軍。九毘沙門。十小王。十一長者。十二居士。十三宰官。十四

婆羅門。十五比丘。十六比丘尼。十七優婆塞。十八優婆夷。十九長者婦女。二十居士婦女。二十一宰官婦女。二十二婆羅門婦女。二十三童男。二十四童女。二十五天。二十六龍。二十七夜叉。二十八乾闥婆。二十九阿修羅。三十迦樓羅。三十一緊那羅。三十二摩睺羅伽。三十三人。三十四非人。三十五執金剛神。皆如初句。次第義加。以長者居士宰官婆羅門共一。卽現婦女身而爲說法。故人謂之三十二應。理實四類。各各不同。故妙音中云。或現長者婦女身。或現宰官婦女身。或現婆羅門婦女身。

撰述  
聖嚴疏鈔卷六十八  
明知四類有四婦女。況妙音中。有轉輪王及菩薩身。又加地獄餓鬼畜生。及諸難處。皆能救濟。豈無彼身。則三十五亦未爲盡。若開四婦女各成二人。以妻女別故。則此已有三十九矣。明知觀音諸大菩薩。各能萬類之化。皆畧舉耳。但是此中。或現色身及說法耳者。以三十五應皆云。卽現其身而爲說法。具如初一。明知通此二義耳。

善男子。我修行此大悲行門。常願救護一切衆生。願一切衆生離險道怖。離熱惱怖。離迷惑怖。離繫縛怖。離殺害怖。離貧窮怖。離不活怖。離惡名怖。離於死怖。離大衆怖。離惡趣怖。離黑闇怖。離遷移怖。離凌別怖。離冤會怖。離逼迫身怖。離逼迫心怖。離憂悲怖。復作是願。願諸衆生。若念於我。若稱我名。若見我身。皆得免離一切怖畏。善男子。我以此方便。令諸衆生離怖畏已。復教令發阿耨多羅三藐三菩提心。永不退轉。疏二善男子。我修行下約大悲行。以顯業用。救諸怖畏故。於中三。初離世怖。有十八種。初三約煩惱。卽是因怖餘皆約果。縛殺貧三。不活開出。黑闇已下。皆五怖中事。上約所離。二復作下。卽能離因。念卽是意。三業皆益故。三我以此下。令進大心。方能

究竟離二死怖。鈔皆五怖畏中事者。準十地論  
五畏攝諸畏故。若是新經。下文有頌。一一具頌此  
十八怖。法華觀音偈中。亦不離此怖。恐煩不引。今  
畧明五攝。然五多約果。畧由二因。一邪智妄取。我  
見愛著故。卽不活惡名死畏之因。二善根微少。卽  
大衆威德及惡道畏之因。今此十八有通因者。然  
險道有二。若世間險道。卽不活及死畏攝。若惡道  
因爲險。卽是邪智熱惱有三。一失財熱惱。不活畏  
攝。二處衆熱惱。卽惡名攝。三毒熱惱。卽是畏因。迷  
惑有二。若迷惑方隅等。卽衆熱惱。不活畏攝。若心

迷惑。大衆畏因繫縛。亦是不活畏攝。殺害死攝。黑  
闇遷移。乃有二意。現暗遷移。皆不活攝。惡趣黑暗。  
三途遷移。卽惡道畏攝。愛別離怖。正唯死畏。兼及  
不活怨憎會怖。正唯惡道。亦兼不活。逼迫身怖。死  
及不活。逼迫心怖。大衆威德及惡名攝。其憂悲怖。  
死及不活。二畏之相。亦通餘三。卽離因者。謂三業  
歸依。我之三業。能令解脫。令住正念。卽無我所。  
及邪智故。

善男子。我唯得此菩薩大悲行門。如諸菩薩摩訶薩  
已淨普賢一切願。已住普賢一切行。常行一切諸善

無述  
華嚴疏鈔卷第六十八  
法常入一切諸三昧。常在一切無邊劫。常知一切三世法。常詣一切無邊刹。常息一切衆生惡。常長一切衆生善。常絕衆生生死流。而我云何能知能說彼功德行。

疏第四我唯下。謙已推勝。久成正覺。尚不失謙。

爾時東方有一菩薩。名曰正趣。從空中來。至娑婆世界。輪圍山頂。以足按地。其娑婆世界六種震動。一切皆以衆寶莊嚴。正趣菩薩放身光明。映蔽一切日月星電。天龍八部。釋梵護世。所有光明。皆如聚墨。其光普照一切地獄。畜生。餓鬼。閻羅王處。令諸惡趣衆苦

皆滅煩惱不起。憂悲悉離。又於一切諸佛國土。普雨一切華香瓔珞衣服幢蓋。如是所有諸莊嚴具。供養於佛。復隨衆生心之所樂。普於一切諸宮殿中。而現其身。令其見者皆悉歡喜。然後來詣觀自在所。時觀自在菩薩告善財言。善男子。汝見正趣菩薩來此會不。自言已見。告言。善男子。汝可往問菩薩云。何學菩薩行。修菩薩道。

疏第五爾時東方下。指示後友於中二。初後友入會。從東來者。後位如相。智明方證。故名正趣者。正法徧趣。化衆生故。以智正趣。真相故。從空來者。

羅述  
智體無依。方契如故。至輪圍上者。如依妄惑顯故。  
足動界者。以定慧足。除雜惡故。同前會者。不離隨。  
順衆生得如相故。又以智會悲。成無任故。後時觀。  
自在下。前友指示。以在此會。故闕禮辭。

爾時善財童子。敬承其教。遽卽往詣彼菩薩所。頂禮。  
其足。合掌而立。自言。聖者。我已先發阿耨多羅三藐。  
三菩提心。而未知菩薩云何學菩薩行。云何修菩薩。  
道。我聞聖者善能教誨。願爲我說。

疏第八正趣菩薩寄真如相廻向善友。文中具六。  
初二可知。鈔第八寄真如相善友者。謂善根卽

如。成廻向故。

正趣菩薩言。善男子。我得菩薩解脫。名普門速疾行。  
疏第三正趣菩薩言下。授已法界分二。先標名體。  
十方無際。故名普門。一念超多。故云速疾。

善財言。聖者。於何佛所得此法門。所從來刹。去此幾。  
何。發來久如。告言。善男子。此事難知。一切世間天人。  
阿修羅。沙門。婆羅門等。所不能了。唯勇猛精進。無退。  
無怯。諸菩薩衆。已爲一切善友所攝。諸佛所念。善根。  
具足。志樂清淨。得菩薩根。有智慧眼。能聞能持。能解。  
能說。善財言。聖者。我承佛神力。善知識力。能信能受。

願爲我說。

疏二善財言下。顯其業用於中。四一申問。雖有三問。意在速疾。二告言下。顯深。三善財下。承力請說。正起菩薩言。善男子。我從東方妙藏世界普勝生佛所而來。此土於彼佛所得此法門。從彼發來。已經不可說不可說。佛刹微塵數劫。一一念中。舉不可說不可說。佛刹微塵數步。一一步。過不可說不可說世界微塵數佛刹。一一佛刹。我皆徧入。至其佛所以妙供具而爲供養。此諸供具皆是無上心所成。無作法所印。諸如來所忍。諸菩薩所歎。善男子。我又普見彼世

界中一切衆生。悉知其心。悉知其根。隨其欲解。現身說法。或放光明。或施財寶。種種方便。教化調伏。無有休息。如從東方。南西北方。四維上下。亦復如是。

疏四正起菩薩言下。正答前問。於中五。初答得法處。謂從自本智如來藏界。普生萬善。本覺而來。故行能徧徧。知一切法。不離心性。萬行頓成。二從彼發下。答時久近。三一一念中下。答處近遠。以多時發多步。則知遠矣。卽是速疾。四一一佛刹下。顯其成益。五如從東下。類顯十方。

善男子。我唯得此菩薩普疾行解脫。能疾周徧。到一

撰述  
華嚴疏鈔卷第六十八  
三  
切處。如諸菩薩摩訶薩。普於十方無所不至。智慧境界。等無差別。善布其身。悉徧法界。至一切道。入一切刹。知一切法。到一切世。平等演說一切法門。同時照耀一切衆生。於諸佛所不生分別。於一切處無有障礙。而我云何能知能說彼功德行。

善男子。於此南方有城名幢羅鉢底。其中有神。名曰大天。汝詣彼問菩薩云。何學菩薩行。修菩薩道。

時善財童子頂禮其足。繞無數匝。殷勤瞻仰。辭退而去。

疏後三可知。

爾時善財童子。入菩薩廣大行。求菩薩智慧境。見菩薩神通事。念菩薩勝功德。生菩薩大歡喜。起菩薩堅精進。入菩薩不思議自在解脫行。菩薩功德地。觀菩薩三昧地。住菩薩總持地。入菩薩大願地。得菩薩辨才地。成菩薩諸力地。漸次遊行。至於彼城。推問大天。今在何所。人咸告言。在此城內。現廣大身。爲衆說法。爾時善財至大天所。頂禮其足。於前合掌而作是言。聖者。我已先發阿耨多羅三藐三菩提心。而未知菩薩云何學菩薩行。云何修菩薩道。我聞聖者善能教誨。願爲我說。

疏第九無縛無著解脫廻向。鈔第九無縛無著者。謂不爲相縛。不爲見著。作用自在。故名解脫。

疏善友名大天者。現大身故。無縛無著。智淨自在。故名爲天。稱理普應。故名爲大。妙用難測。故名爲神。在墮羅鉢底城者。此云有門。謂有此無縛等微妙法門。爲法師故。初二可知。

爾時大天長舒四手。取四大海水。自洗其面。持諸金華。以散善財。而告之言。善男子。一切菩薩難可得見。難可得聞。希出世間。於衆生中最爲第一。是諸人中。芬陀利華。爲衆生歸。爲衆生救。爲諸世間作安隱處。爲諸世間作大光明。示迷惑者安隱正道。爲大導師。引諸衆生入佛法門。爲大法將。善能守護。一切智城。菩薩如是難。可值遇。唯身語意無過失者。然後乃得見其形像。聞其辨才。於一切時常現在前。

疏第三爾時大天下。授已法界中。二先受法方便。後正授所得。今初現相讚友難遇。合欣入故。長舒等者。約事則發心難遇。淨日而觀散華而供故。約表謂展四無礙解手。取所證勝流相應法門。先當自淨。以洗身心。後因利他。故云華散亦表四攝遠展。攝取四衆故。

攝述  
華嚴經卷第六十八  
善男子。我已成就菩薩解脫。名爲雲網。善財言。聖者。雲網解脫境界云何。爾時大天於善財前示現金聚。銀聚。瑠璃聚。玻黎聚。砗磲聚。瑪瑙聚。大談寶聚。離垢藏寶聚。大光明寶聚。普現十方寶聚。寶冠聚。寶印聚。寶瓔珞聚。寶璫聚。寶釧聚。寶鎖聚。珠網聚。種種摩尼寶聚。一切莊嚴具聚。如意摩尼聚。皆如大山。又復示現一切華。一切髮。一切香。一切燒香。一切塗香。一切衣服。一切幢幡。一切音樂。一切五欲娛樂之具。皆如山積。及現無數百千萬億諸童女衆。而彼大天告善財言。善男子。可取此物供養如來。修諸福德。并施一

切。攝取衆生。令其修學檀波羅蜜。能捨難捨。善男子。如我爲汝示現此物。教汝行施。爲一切衆生。悉亦如是。皆令以此善根。重習於三寶所。善知識所。恭敬供養。增長善法。發於無上菩提之意。善男子。若有衆生。貪著五欲。自放逸者。爲其示現不淨境界。若有衆生。瞋恚憍慢。多諍競者。爲其示現極可怖形。如羅刹等。飲血啖肉。令其見已。驚恐惶懼。心意調柔。捨離冤結。若有衆生。昏沉懶惰。爲其示現王賊水火。及諸重疾。令其見已。心生惶怖。知有憂苦。而自勉策。以如是等種種方便。令捨一切諸不善行。修行善法。令除一切

波羅蜜障。具波羅蜜。令超一切障礙險道。到無障處。  
疏二善男子。我已成下。正授法界中二。先名體。謂  
以六度大悲如雲覆潤。如網羅攝。故後善財下。問  
荅業用。四攝攝生。故先問後荅。荅中二。先現寶。令  
施教。以檀攝。後如我爲汝下。類通餘教。及利行攝。  
如是等言。亦兼夢語同事。

善男子。我唯知此雲網解脫。如諸菩薩摩訶薩。猶如  
帝釋。已能摧伏一切煩惱。阿脩羅軍。猶如大水。普能  
消滅。一切衆生。諸煩惱火。猶如猛火。普能乾竭。一切  
衆生。諸夢欲水。猶如大風。普能吹倒。一切衆生。諸見  
取。猶如金剛。悉能摧破。一切衆生。諸我見山。而我  
云何。能知能說。彼功德行。  
善男子。此闍浮提摩竭提國。菩提場中。有主地神。其  
名安住。汝詣彼問菩薩。云何學菩薩行。脩菩薩道。  
時善財童子。禮大天足。繞無數匝。辭退而去。

疏後三段易知。

爾時善財童子。漸次遊行。趣摩竭提國菩提場內。安  
住神所。

疏第十入法界無量迴向。鈔第十入法界無量  
者等。以法界善根迴向法界故。

撰述  
疏善友名安住地神者地爲萬法所依卽所入法  
界安住卽入義在菩提場者所入法界卽得菩提  
之處故菩提是本前南有所表從本之南今攝末  
歸本之法界故不云南矣又地上證如亦同本故  
今廻向終故攝歸此文亦有六第一依教趣求

百萬地神同在其中更相謂言此來童子卽是佛藏  
必當普爲一切衆生作所依處必當普壞一切衆生  
無明殼藏此人已生法王種中當以離垢無礙法繒  
而冠其首當開智慧大珍寶藏摧伏一切邪論異道  
時安住等百萬地神放大光明徧照三千大千世界

普令大地同時震吼種種空物處處莊嚴影潔光流  
遙相鑒徹一切葉樹俱時生長一切華樹咸共開敷  
一切果樹靡不成熟一切河流遙相灌注一切池沼  
悉皆盈滿雨細香雨徧灑其地風來吹華普散其上  
無數音樂一時俱奏天莊嚴具咸出美音牛王象王  
師子王等皆生歡喜踊躍哮吼猶如大山相擊出聲  
百千伏藏自然涌現時安住地神告善財言善來童  
子汝於此地曾種善根我爲汝現汝欲見不爾時善  
財禮地神足繞無數匝合掌而立白言聖者唯然欲  
見時安住地神以足按地百千億阿僧祇寶藏自然

涌出告言善男子。今此寶藏隨逐於汝。是汝往昔善根果報。是汝福力之所攝受。汝應隨意自在受用。

疏第二百萬地下。見敬請法。於中五。初友見稱讚。既云友見則已。含見友。二時安住下。嚴處攝生。以顯勝德。三時安住告下。許示昔善。引其問端。四爾時下。設敬陳請。五以足按下。正示昔因。

善男子。我得菩薩解脫。名不可壞智慧藏。常以此法成就衆生。善男子。我憶自從然燈佛來。常隨菩薩恭敬守護。觀察菩薩所有心行智慧境界。一切誓願諸清淨行。一切三昧。廣大神通。大自在力。無能壞法。徧

往一切諸佛國土。普受一切諸如來記。轉於一切諸佛法輪。廣說一切脩多羅門。大法光明。普皆照耀。教化調伏一切衆生。示現一切諸佛神變。我皆能領受。皆能憶持。善男子。乃往古世。過須彌山微塵數劫。有劫名莊嚴。世界名月幢。佛號妙眼。於彼佛所。得此法門。善男子。我於此法門。若入若出。修習增長。常見諸佛。未曾捨離。始從初得。乃至賢劫。於其中間。值遇不可說不可說佛刹微塵數如來。應正等覺。悉皆承事。恭敬供養。亦見彼佛詣菩提座。現大神力。亦見彼佛所有一切功德善根。

疏第三善男子我得下示已法界於中四一標名  
體用謂一念之智冥乎法界則不可壞此中則無  
所不生故名爲藏由賢位既滿總會三賢爲入地  
之因故顯善財之福常隨地神之智不壞是則昔  
因不失能入證矣常以此下畧明其用二善男子  
我憶下別顯業用由智不壞故常憶等三乃在古  
世下顯得法時處四我於此下總結純熟

善男子我唯知此不可壞智慧藏法門如諸菩薩摩  
訶薩常隨諸佛能持一切諸佛所說入一切佛甚深  
智慧念念充徧一切法界等如來身生諸佛心具諸  
佛法作諸佛事而我云何能知能說彼功德行善男  
子此闍浮提摩竭提國迦毘羅城有王夜神名婆珊  
婆演底汝詣彼問菩薩云何學菩薩行修菩薩道時  
善財童子禮地神足繞無數匝殷勤瞻仰辭退而去  
疏後三段可知 十廻向竟

爾時善財童子一心思惟安任神教憶持菩薩不可  
沮壞智藏解脫修其三昧學其軌則觀其遊戲入其  
微妙得其智慧達其平等知其無邊測其甚深漸次  
遊行至於彼城從東門入佇立未久便見日沒心念  
隨順諸菩薩教渴仰欲見彼王夜神於善知識生如

來想復作是念。由善知識得周徧眼。普能明見十方境界。由善知識得廣大解。普能了達一切所緣。由善知識得三昧眼。普能觀察一切法門。由善知識得智慧眼。普能明照十方刹海。

疏自下大文第五有十善友寄十地位。卽分十段。第一婆珊婆演底夜神。寄歡喜地。鈔寄初歡喜地者。初獲聖性。具證二空。能益自他。生大喜故。疏城名迦毘羅者。此云黃色。往昔黃頭仙人。依此處故。黃是中色。表契中道故。又此是佛生之城。表初地生佛家故。婆珊者。此云春也。婆演底者。此云

王當。以於春時王當苗稼故。謂顯初入地。能生長萬行。護衆生故。鈔以於春時王當等者。盛德如春。和暢發生故。

疏地上多見夜神者。證智玄妙。離相破闇故。下九天神。準梵本皆是女神。瞿波亦女者。地上證於同體慈悲。女之狀故。第一依教趣求中。先依前修證。後漸次下。趣求後友。於中先至時處。從東門入者。開明之初。顯入證之始故。見日沒者。是夜神故。表分別見日。皆已亡故。後心念下。生渴仰心。鈔表分別見日皆亡者。初地斷見惑。卽分別煩惱故。

撰述  
華嚴疏鈔卷第六十一  
作是念時。見彼夜神。於虛空中。處寶樓閣。香蓮華藏。師子之座。身真金色。目髮紺青。形貌端嚴。見者歡喜。衆寶瓔珞。以爲嚴飾。身服朱衣。首戴梵冠。一切星宿。炳然在體。於其身上。一一毛孔。皆現化度無量無數。惡道衆生。令其免離險難之像。是諸衆生。或生人中。或生天上。或有趣向二乘菩提。或有修行一切智道。又彼一一諸毛孔中。示現種種教化方便。或爲現身。或爲說法。或爲示現聲聞乘道。或爲示現獨覺乘道。或爲示現諸菩薩行。菩薩勇猛。菩薩三昧。菩薩自在。菩薩住處。菩薩觀察。菩薩師子頻申。菩薩解脫遊戲。

如是種種成熟衆生。善財童子。見聞此已。心大歡喜。以身投地。禮夜神足。繞無數匝。於前合掌而作是言。聖者。我已先發阿耨多羅三藐三菩提心。我心冀望。依善知識。護諸如來功德法藏。唯願示我一切智道。我行於中。至十力地。

疏第二作是念時下。明見敬咨問。於中二。初見友。依正於空見者。城表教道。空表證道。宗說兼通。如日處空。故服朱衣者。證智明顯。故法門星像。不離一身如體。化生作用。不離一毛之性。二善財童子。見聞下。設敬咨問。鈔宗說兼通者。前已引竟。卽

楞伽意故彼第三經云佛告大慧三世如來有二種法通謂說通及自宗通說通者謂隨衆生心之所應爲說種種契經是名說通自宗通者謂修行者離自心現種種妄想謂不墮一異俱不俱品超度一切心意意識自覺聖境離因成故一切外道聲聞緣覺墮二邊者所不能知我說是名自宗法通釋曰謂初了唯心謂不墮下境界則滅超度一切下能取亦無自覺聖下正悟自心不由他悟離三量成故離因成一切外道下對他顯勝經結勸云是名自宗通及說通相汝及餘菩薩摩訶薩應

當修學偈云謂我二種通宗通及言說說者授章蒙宗爲修行者釋曰而前引竟今復重說前約證者能說故先明宗通今約從教修證故先明說通亦前從根本起後得今從加行入根本文小異故第一疏中引前文今復引後古云說通宗不通如日被雲朦宗通說亦通如日處虛空法門星象下此中法喻雙辨一身以表如體星象以表法門星象不離一身顯法不離如體下對亦然教化表於大用毛孔以況真性

時彼夜神告善財言善哉善哉善男子汝能深心敬

異述  
善知識樂聞其語。修行其教。以修行故。決定當得阿耨多羅三藐三菩提。善男子。我得菩薩破一切衆生癡暗法光明解脫。

疏第三時彼夜神下。稱讚授法中二。初稱讚。後善男子。我得下。授已法界。於中三一。標名體。二顯業用。三得法久近。今初一切衆生癡暗者。卽所破二。愚法光明者。卽是能破二。無我智。又破衆生暗。爲悲法光明是智。悲智具故。鈔其二。愚二。無我等。並如地品。

善男子。我於惡慧衆生起大慈心。於不善業衆生起大悲心。於作善業衆生起於喜心。於善惡二行衆生起不二心。於雜染衆生起令生清淨心。於邪道衆生起令生正行心。於劣解衆生起令與大解心。於樂生死衆生起令捨輪轉心。於住二乘道衆生起令任一切智心。善男子。我以得此解脫故。常與如是心共相應。善男子。我於夜暗人靜。鬼神盜賊諸惡衆生所遊行時。密雲重霧。惡風暴雨。日月星宿。並皆昏蔽。不見色時。見諸衆生若入於海。若行於陸。山林曠野諸險難處。或遭盜賊。或乏資糧。或迷惑方隅。或志失道路。悵惶憂怖。不能自出。我時卽以種種方便而救濟之。

撰述  
華嚴疏鈔卷第六十八  
爲海難者示作船師。與王。馬王。龜王。象王。阿修羅王。及以海神爲彼衆生止惡風雨。息大波浪。引其道路。示其洲岸。令免怖畏。悉得安隱。復作是念。以此善根迴施衆生。願令捨離一切諸苦。爲在陸地。一切衆生。於夜暗中遭恐怖者。現作日月。及諸星宿。晨霞夕電。種種光明。或作屋宅。或爲人衆。令其得免恐怖之厄。復作是念。以此善根迴施衆生。悉令除滅諸煩惱暗。一切衆生有惜壽命。有愛名聞。有貪財寶。有重官位。有著男女有戀妻妾。未稱所求。多生憂怖。我皆救濟。令其離苦。爲山行險而留難者。爲作善神。現形親近。

爲作好鳥。發音慰悅。爲作靈藥。舒光照耀。示其果樹。示其泉井。示正直道。示平坦地。令其免離一切憂厄。爲行曠野稠林險道。藤蘿所罣。雲霧所暗。而恐怖者。示其正道。令得出離。作是念言。願一切衆生。伐見稠林。截夔羅網。出生死野。滅煩惱暗。入一切智平坦正道。到無畏處。畢竟安樂。善男子。若有衆生。樂著國土。而憂苦者。我以方便。令生厭離。作是念言。願一切衆生。不著諸蘊。任一切佛菩薩。若境。善男子。若有衆生。樂著聚落。貪愛宅舍。常處黑暗。受諸苦者。我爲說法。令生厭離。令法滿足。令依法任。作是念言。願一切衆

生悉不貪樂六處聚落。速得出離生死境界。究竟安  
住一切智城。善男子。若有衆生行暗夜中。迷惑十方。  
於平坦路生險難想。於險難道起平坦想。以高爲下。  
以下爲高。其心迷惑。生大苦惱。我以方便。舒光照及。  
若欲出者。示其門戶。若欲行者。示其道路。欲度溝洫。  
示其橋梁。欲涉河海。與其舩筏。樂觀方者。示其險易。  
安危之處。欲休息者。示其城邑水樹之所。作是念言。  
如我於此。照除夜暗。令諸世事。悉得宣叙。願我普於  
一切衆生。生死長夜。無明暗處。以智慧光。普皆照了。  
是諸衆生。無有智眼。想心見倒之所覆翳。無常常想。

無樂樂想。無我我想。不淨淨想。堅固執著。我人衆生。  
蘊界處法。迷惑因果。不識善惡。殺害衆生。乃至邪見。  
不孝父母。不敬沙門。及婆羅門。不知惡人。不識善人。  
貪著惡事。安住邪法。毀謗如來。壞正法輪。於諸菩薩。  
皆辱傷害。輕大乘道。斷善提心。於有恩人。反加殺害。  
於無恩處。常懷怨結。毀謗賢聖。親近惡伴。盜塔寺物。  
作五逆罪。不久當墮三惡道處。願我速以大智光明。  
破彼衆生。無明黑暗。令其疾發。阿耨多羅三藐三菩  
提心。既發心已。示普賢乘。開十力道。亦示如來法王  
境界。亦示諸佛一切智城。諸佛所行。諸佛自在。諸佛

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴經疏卷六十一

三

成就諸佛總持。一切諸佛共同一身。一切諸佛平等之處。令其安住。善男子。一切衆生。或病所纏。或老所侵。或苦貧窮。或遭禍難。或犯王法。臨當被刑。無所依怙。生大怖畏。我皆救濟。使得安隱。復作是念。願我以法普攝衆生。令其解脫。一切煩惱。生老病死。憂悲苦患。近善知識。常行法施。勤行善業。速得如來清淨法身。任於究竟無變易處。善男子。一切衆生。入見稠林。任於邪道。於諸境界。起邪分別。常行不善身語意業。妄作種種諸邪苦行。於非正覺。生正覺想。於正覺所。非正覺想。爲惡知識之所攝受。以起惡見。將墮惡道。我以種種諸方便門。而爲救護。令任正見。生人天中。復作是念。如我救此將墜惡道諸衆生等。願我普救一切衆生。悉令解脫。一切諸苦。任波羅蜜。出世聖道。於一切智得不退轉。具普賢願。近一切智。而不捨離諸菩薩行。常勤教化一切衆生。

疏二我於惡慧下。明業用中。二先長行。後偈頌。

前中二先興救物之心。二我於夜暗下。正明對緣救攝。於中十門。初一總明。爲海難下。別顯。今初有四種。一夜等爲救時。二海等爲救處。三遭盜等爲所救。四種種方便爲能救。後九門別顯中。文皆有

支那

華嚴疏鈔卷六十一

三

二先救世苦令得世樂後以廻向大願令其究竟  
離苦得樂九中一救海難衆生二爲在陸地下救  
處陸衆生三一切衆生下救求不得及行山險衆  
生四救樂國土衆生五救著聚落衆生六救暗夜  
衆生七是諸衆生無有智下救惑業衆生八或病  
所纏下救八苦衆生九入見稠林下救惡見衆生  
爾時婆珊婆演底王夜神欲重宣此解脫義承佛神  
力觀察十方爲善財童子而說頌言

我此解脫門生淨法光明能破愚癡暗待時而演說  
我昔無邊劫勤行廣大慈普覆諸世間佛子應修學

寂靜大悲海出生三世佛能滅衆生苦汝應入此門  
能生世間樂亦生出世樂令我心歡喜汝應入此門  
旣捨有爲患亦遠聲聞果淨修諸佛力汝應入此門  
我目甚清淨普見十方刹亦見其中佛菩提樹下坐  
相好莊嚴身無量衆圍繞一一毛孔內種種光明出  
見諸羣生類死此而生彼輪廻五趣中常受無量苦  
我耳甚清淨聽之無不及一切語言海悉聞能憶持  
諸佛轉法輪其聲妙無比所有諸文字悉皆能憶持  
我鼻甚清淨於法無所礙一切皆自在汝應入此門  
我舌甚廣大淨好能言說隨應演妙法汝應入此門

異迹  
華嚴疏鈔卷第六十一  
我身甚清淨。三世等如如。隨諸衆生心。一切悉皆現。  
我心淨無礙。如空含萬象。普念諸如來。而亦不分別。  
了知無量刹。一切諸心海。諸根及欲樂。而亦不分別。  
我以大神通。震動無量刹。其身悉徧徃。調彼難調衆。  
我福甚廣大。如空無有盡。供養諸如來。饒益一切衆。  
我智廣清淨。了知諸法海。除滅衆生惑。汝應入此門。  
我知三世佛。及以一切法。亦了彼方便。此門徧無等。  
一一塵中見。三世一切刹。亦見彼諸佛。此是普門力。  
十方刹塵內。悉見盧舍那。菩提樹下坐。成道演妙法。  
疏二偈頌中二十一頌分四。初一頌。法門名體。二

有四頌。舉因勸修。卽四無量。三有十頌。顯果。令人  
卽六處殊勝。四有六頌。明業用廣大。

爾時善財童子。白夜神言。汝發阿耨多羅三藐三菩  
提心。爲幾時耶。得此解脫。其已久如。乃能如是。饒益  
衆生。其神荅言。善男子。乃往古世。過如須彌山微塵  
數劫。有劫名寂靜光。世界名出生妙寶。有五億佛於  
中出現。彼世界中有四天下。名寶月燈光。有城名蓮  
華光。王名善法度。以法施化。成就七寶。王四天下。王  
有夫人。名法慧月。夜久眠寢。時彼城東。有一大林。名  
爲寂住林。中有一大菩提樹。名一切光摩尼。王莊嚴

身出生一切佛神力光明爾時有佛名一切法雷音  
王於此樹下成等正覺放無量色廣大光明徧照出  
生妙寶世界蓮華城內有王夜神名爲淨月詣王夫  
人法慧月所動身瓔珞以覺夫人而告之言夫人當  
知一切法雷音王如來於寂住林成無上覺及廣爲  
說諸佛功德自在神力普賢菩薩所有行願令王夫  
人發阿耨多羅三藐三菩提意徃養彼佛及諸菩薩  
聲聞僧衆善男子時王夫人法慧月者豈異人乎我  
身是也我於彼佛所發菩提心種善根故於須彌山  
微塵數劫不生地獄餓鬼畜生諸惡趣中亦不生於

下賤之家諸根具足無有衆苦於天人中福德殊勝  
不生惡世恒不離佛及諸菩薩大善知識常於其所  
種植善根經八十須彌山微塵數劫常受安樂而未  
滿足菩薩諸根

疏三得法久近中先興二問後還兩答答中有二  
先答發心時節後答得法久近今初有六初總  
顯本事因緣二時彼城東下明初佛興世三蓮華  
城內下善友勸發四令王夫人下正發大心五時  
王夫人下結會古今六我於彼佛下發心成益  
過此劫已復過萬劫於賢劫前有劫名無憂徧照世

撰述  
華嚴疏鈔卷之六十一  
聖  
界名離垢妙光。其世界中淨穢相雜。有五百佛於中出現。其第一佛名須彌幢寂靜妙眼。如來應正等覺。我爲名稱長者女。名妙慧光明。端正殊妙。彼淨月夜神以願力故。於離垢世界。一四天下。妙幢王城中。生作王夜神。名清淨眼。我於一時在父母邊。夜久眠息。彼清淨眼來詣我所。震動我宅。放大光明。出現其身。讚佛功德。言妙眼如來坐菩提座。始成正覺。勸喻於我。及以父母。并諸眷屬。令速見佛。自爲前導。引至佛所。廣興供養。我纔見佛。卽得三昧。各出生見。佛調伏衆生。三世智光明輪。獲此三昧。故能憶念須彌山微

塵數劫。亦見其中諸佛出現。於彼佛所。聽聞妙法。以聞法故。卽得此破一切衆生暗法光明解脫。得此解脫已。卽見其身徧徧在佛刹微塵數世界。亦見彼世界所有諸佛。又見自身在其佛所。亦見彼世界一切衆生。解其言音。識其根性。知其徧徧曾爲善友之所攝受。隨其所樂而爲現身。令生歡喜。我時於彼所得解脫。念念增長。此心無間。又見自身徧徧在百佛刹微塵數世界。此心無間。又見自身徧徧在千佛刹微塵數世界。此心無間。又見自身徧徧在百千佛刹微塵數世界。如是念念乃至不可說不可說佛刹微塵數世界。亦

撰述  
華嚴疏鈔卷六十八  
見彼世界中一切如來。亦自見身在彼佛所。聽聞妙法。受持憶念。觀察決了。亦知彼佛諸本事海。諸大願海。彼諸如來嚴淨佛刹。我亦嚴淨。亦見彼世界一切衆生。隨其所應而爲現身。教化調伏。此解脫門。念念增長。如是乃至充滿法界。

疏二過此劫已下。答得法久近。於中二。初總顯得法因緣。後我纔見佛下。正明得法於中三。初得方便三昧。謂上見諸佛。下化衆生。次以聞法故下。得此解脫。後得此解脫已下。廣顯業用。

善男子。我唯知此菩薩破一切衆生暗法光明解脫。如諸菩薩摩訶薩。成就普賢無邊行願。普入一切諸法界海。得諸菩薩金剛智幢自在三昧。出生大願。住持佛種。於念念中。成滿一切大功德海。嚴淨一切廣大世界。以自在智教化成熟一切衆生。以智慧日滅除一切世間暗障。以勇猛智覺悟一切衆生。昏睡以智慧月決了一切衆生疑惑。以清淨音斷除一切諸有執著。於一切法界一一塵中。示現一切自在神力。智眼明淨。等見三世。而我何能知其妙行。說其功德。入其境界。示其自在。

疏第四謙推可知。

撰述  
善男子。此闍浮提摩竭提國。善提場內。有王夜神。名  
普德淨光。我本從其發阿耨多羅三藐三菩提心。常  
以妙法開悟於我。汝前彼問菩薩云。何學菩薩行。修  
菩薩道。

疏第五指示後爰云。善提場內者。得無誤犯。由契  
理故。理卽善提場。友名普德者。最勝法界。無德不  
具。故淨光者。正智證入。離誤犯之垢故。卽前淨月  
故云本從發心。

爾時善財童子向娑珊婆演底神而說頌曰

見汝清淨身。相好超世間。如文殊師利。亦如寶山王。

汝法身清淨。三世悉平等。世界悉入中。成壞無所碍。  
我觀一切趣。悉見汝形像。一一毛孔中。星月各分布。  
汝心極廣大。如空徧十方。諸佛悉入中。清淨無分別。  
一一毛孔內。悉放無數光。十方諸佛所。普雨莊嚴具。  
一一毛孔內。各現無數身。十方諸國土。方便度衆生。  
一一毛孔內。示現無量刹。隨諸衆生。欲種種令清淨。  
若有諸衆生。聞名及見身。悉獲功德利。成就菩提道。  
多劫在惡趣。始得見聞汝。亦應歡喜受。以滅煩惱故。  
千刹微塵劫。歎汝一毛德。劫數猶可窮。功德終無盡。  
疏第六爾時善財下。戀德禮辭。於中二。先以偈讚

表戀德之深。於中十偈分四。初四讚身心超勝。次三明大用無涯。次二益物不虛。後一結德無盡。時善財童子說此頌已。頂禮其足。繞無量帀。殷勤瞻仰。辭退而去。

疏二時善財下。作禮辭退。

信士孫謀。樞募銀六兩九錢九分二釐。刻此一卷。衆檀芳名列後。

信士孫謀。樞領募銀二兩一錢。王三俊。五錢。于流。于清。鶴齡。高昂。光各三錢。項德。

弘二錢。十文。繡。朱茂。映各一錢。信士陳銓。自捨并募銀三兩七錢。陳士鵠一兩。石聲。徐二錢。陳鑑。銀一兩。米一石。

自募。顧氏。男。吉。一兩。荐。亡。姑。并。亡。夫。超。昇。者。

大方廣佛華嚴經疏鈔卷第六十八終

大方廣佛華嚴經疏鈔卷六十九

于闐國二藏沙門實叉難陀 譯  
清涼山大華嚴寺沙門澄觀撰述

入法界品第三十九之十

爾時善財童子。了知彼娑珊婆演底夜神。初發菩提心。所生菩薩藏。所發菩薩願。所淨菩薩度。所入菩薩地。所修菩薩行。所行出離道。一切智光海。普救眾生心。普徧大悲雲。於一切佛刹。盡未來際。常能出生。普賢行願。漸次遊行。至普德淨光夜神所。

疏第二普德淨光夜神。寄離垢地善友。義如前說。

鉢寄離垢地者。謂真淨尸羅。離於能起微細毀犯煩惱垢故。

疏文則具六。且分爲四。第一依教趣求。第二見敬諮問。第三稱讚授法。第四戀德禮辭。今初先念前法。有十一句。初一念發心。餘十念得法。

頂禮其足。繞無數匝。於前合掌。而作是言。聖者。我已先發阿耨多羅三藐三菩提心。而我未知菩薩云何修行菩薩地。云何出生菩薩地。云何成就菩薩地。

疏第二頂禮下。見敬諮問。

夜神荅言。善哉善哉善男子。汝已能發阿耨多羅三藐三菩提心。今復問於菩薩地修行出生及以成就。

疏第三夜神荅下。稱讚授法。先讚後授。

善男子。菩薩成就十法。能圓滿菩薩行。何者爲十。一者得清淨三昧。常見一切佛。二者得清淨眼。常觀一切佛。相好莊嚴。三者知一切如來無量無邊功德大海。四者知等法界無量諸佛法。光明海。五者知一切如來一一毛孔放等衆生數。大光明海。利益無量一切衆生。六者見一切如來一一毛孔出一切寶色光明燄海。七者於念念中出現一切佛變化海。充滿法界。究竟一切諸佛境界。調伏衆生。八者得佛音聲。同

撰述  
華嚴疏鈔卷六十九  
一切衆生言音海轉三世一切佛法輪。九者知一切佛無邊名號海。十者知一切佛調伏衆生不思議自在力。善男子。菩薩成就此十種法。則能圓滿菩薩諸行。

疏授中二。先長行。後偈頌。長行中三。第一正授法門。第二謙已推勝。第三指示後友。初中二。先總答所問。後別示已法。今初有標徵釋結釋。中有十句。初總餘別別中。二是智法光明。四放光利益。五常光發談。餘可知。鈔餘別中。三是智法光明者。疏但隨難解三。今當重釋。畧有二意。一作總別解。

初一總餘九別。別中二。觀外相。三。念內德。四。知所證。五。放光。六。常光。七。變化。八。圓音。九。名號。十。調生。二。約身釋。一。菩提身。二。相好身。三。智身。四。法身。五。願身。如賢首品。毛孔放光。皆宿願故。六。福德身。七。化身。八。力持身。圓音持法。盡未來故。九。意生身。隨。意立名。故。十。威勢身。結云。威力故。十身並彰。內外皆具。若專念此。何行不成。

善男子。我得菩薩解脫。名寂靜禪定樂普遊步。

疏二。善男子。我得下。別示已法。於中二。先標名體。謂契理無著爲寂靜。止觀雙運爲禪定。正法樂任。

釋迦  
聖嚴師錄卷之六十九  
三  
爲樂。大用無涯。爲普游步。

普見三世一切諸佛。亦見彼佛清淨國土。道場衆會。神通名號。說法壽命。言音身相。種種不同。悉皆明覩。而無取著。何以故。知諸如來。非去世起。永滅故。非來體性。無生故。非生法身平等故。非滅。無有生相故。非實在。如幻法故。非安利益衆生故。非遷超過生死故。非壞性。常不變故。一相言語。悉離故。無相性。相本空故。

疏後普見三世下。廣顯業用。於中四。初明攀緣如實禪。同如來清淨禪。卽寂靜業用。次現法樂在禪。卽定業用。三明引生功德禪。四饒益有情禪。此二卽普游步業用。鈔初明攀緣如實禪。同如來清淨禪等者。楞伽第二說有四禪。經云。大慧。有四種禪。云何爲四。謂愚夫所行禪。觀察義禪。攀緣如實禪。如來禪。云何愚夫所行禪。謂有聲聞緣覺外道修行者。人無我自性。共相骨瓊。無常。苦。不淨。相。計着爲首。如是不異。觀前後轉進。想不除滅。是名愚夫所行禪。云何觀察義禪。謂人無我自性。共相。外道。自他俱無性已。觀法無我。彼地相義。漸次增進。是名觀察義禪。云何攀緣如實禪。謂妄想。二無我。

妄想如實處不生妄想。是名攀緣如實禪。云何如來禪。謂入如來地行。自覺聖智相。三種樂住。成辦衆生不思議事。是名如來禪。故偈云。凡夫所行禪。觀察相義禪。攀緣如實禪。如來清淨禪。釋曰。配位有二師。一云初凡小。二至七地。三八地已上。四卽佛地。二大雲言亦初凡小。二十信至廻向。三卽加行。四卽初地至佛地。以證如故皆名如來。若修觀者。凡夫直用如來淨禪。今此文中。卽以第三同於第四。不用初二。初是凡小。二猶未忘法無我故。卽以三四因果交徹。謂見佛法界。卽攀緣如義。無取

無入。卽同如來清淨禪義。又如來禪。不礙下文廣利樂故。

疏今初文中有標徵釋。標以見佛無着故寂靜。釋云。所以無著者。窮了如來之體性。故文有十非大同中論八。不謂不去不來不生不滅。爲四其非實非妄。卽是不常非遷非壞。卽是不斷一相卽非異。無相亦非一。鈔文有十非大同中論八不者。不全同故。名爲大同。而涅槃等。多分全同。以其八不。攝理盡故。云全同耳。初四全同。六合爲四。言非實非妄。卽是不常者。常有二義。一虛妄計度。生死有

撰述  
聖嚴師金卷六十九 五  
常。今云非妄。卽非常矣。二者出世實法。各常。今云非實。亦無常矣。諸法實相中。無實無非實故。非遷非壞。卽是不斷者。斷亦有二。一世法遷移。卽有斷滅。二滅壞煩惱。成於斷德。今並非之。故不斷也。又此十句。標多約體。釋多約用。意明體用皆無二。故亦可總爲五對體用。初不來不去。卽體用自體。二不生滅。卽體用相。三非實虛。卽體用力。四非遷壞。卽體用性。五一相無相。卽體用德。如十行辨。善男子。我如是了知一切如來時。於菩薩寂靜禪定樂普遊步解脫門。分明了達。成就增長。

疏二善男子。我如是了。下明現法樂住禪。先牒前起後。

思惟觀察。堅固莊嚴。不起一切妄想分別。大悲救護一切衆生。一心不動。修習初禪。

疏後思惟下。正顯四禪。初禪中思惟觀察。卽是尋伺。當對治支。堅固莊嚴。猶是尋伺之相。次不起一切妄想分別。卽所離障。然世禪但離欲惡不善。今一乘深妙。故離一切妄想。次大悲救護一切衆生。卽利益支。謂離自憂念衆生憂。故生喜樂。後一心下。卽所依支。謂彼二依止。鈔後思惟下。正顯四

禪者斯則以如來禪導於四禪。不同三地寄位四禪。四禪不同。卽爲四別。然大小雖異。支林功德名數皆同。有十八支。具如三地。地論皆攝以爲四類。一所離障。二對治支。三利益支。四彼二依止。三昧四中後。三是支。初一非支。並如前說。謂離自憂者。約五受說。初禪已離憂受。今大悲救護。卽憂衆生之憂。離憂合是所離。今念他憂。却生喜樂。故爲利益。

息一切意業。攝一切衆生智力勇猛。喜心悅豫。修第二禪。

疏二禪中息一切意業。卽滅覺觀。次攝一切衆生。是一心。智力勇猛。是內淨無覺無觀。次喜心悅豫。是定生喜樂。修第二禪。卽彼二依止。下三四禪準此。鈔二禪中等者。然二禪具四支。內淨喜樂。定初明滅覺觀。卽所離障。次攝一切衆生。是一心者。一心攝故。然一心言。是三地經有。故彼經云。滅覺觀內淨。一心無覺無觀。定生喜樂。任第二禪。然其一心。是釋內心義。無覺無觀。卽是淨義。具此二法。名之內淨。又小乘內淨。但是信心。大乘內淨。卽合三禪三支所成。謂捨念正知。此之三心。尚爲喜覆。

力用未勝。但能離外尋伺。故合爲內淨。今攝衆生一心攝故。已有合義。

思惟一切衆生自性厭離生死。修第三禪。

疏三禪中初思惟一切衆生自性卽捨念二支。謂捨離前攝生之喜。於此捨中。不失念故。厭離生死。卽慧樂二支。謂正知生死不可喜故。厭離卽得真寂之樂。鈔三禪中下。然具五支。捨念喜樂定。餘如前說。

悉能息滅一切衆生衆苦熱惱。修第四禪。

疏四禪中二句。通具二支。謂苦喜憂樂皆是衆苦熱惱。於下苦中橫生樂故。四受俱亡。故云悉能息滅。卽捨念清淨。旣無苦樂。卽是中受。鈔四禪中者。四禪有四支。捨念中受定。今四支俱亡。是所離障。卽捨念清淨爲對治支。旣無苦樂。卽是中受。爲利益支。然其捨受。世爲利益。出世望之。亦是熱惱。故今疏云。於下苦中橫生樂想。旣一切息滅。則捨亦捨矣。方是真捨。餘如三地。

增長圓滿一切智願。出生一切諸三昧海。入諸菩薩解脫海門遊戲一切神通。成就一切變化。以清淨智普入法界。

疏三增長圓滿下。引生功德禪。遊戲神通。卽普游步義。上來皆約一乘。異於三地寄法故。乃至云普入法界。

善男子。我修此解脫時。以種種方便。成就衆生。所謂於在家放逸衆生。令生不淨想。可厭想。疲勞想。逼迫想。繫縛想。羅刹想。無常想。苦想。無我想。空想。無生想。不自在想。老病死想。自於五欲不生樂著。亦勸衆生不著欲樂。唯任法樂。出離於家。入於非家。若有衆生。住於空閑。我爲止息。諸惡音聲。於靜夜時。爲說深法。與順行緣。開出家門。示正道路。爲作光明。除其闇障。

滅其怖畏。讚出家業。歎佛法僧。及善知識。具諸功德。亦歎親近善知識行。復次善男子。我修解脫時。令諸衆生不生非法貪。不起邪分別。不作諸罪業。若已作者。皆令止息。若未生善法。未修波羅蜜行。未求一切智。未起大慈悲。未造人天業。皆令其生。若已生者。令其增長。我與如是順道因緣。乃至令成一切智智。

疏四善男子。我修此下。明饒益有情禪。種種方便。無不饒益。亦普游步義。文中三初。令修四念處等。觀。次若有衆生下。明作道因緣。後復次下。令修四正斷。鈔四念處等觀者。念處觀者。卽無常苦不

淨無我等者等取十想。與智論第二十六十想大同。故言十想者。論云。一無常想。二苦想。三無我想。四食不淨想。五一切世間不樂想。六死想。七不淨想。八斷想。九離想。十淨想。今有十二。故云大同。善男子。我唯得此菩薩寂靜禪定樂。普遊步解脫門。如諸菩薩摩訶薩。具足普賢所有行願。了達一切無邊法界。常能增長一切善根。照見一切如來智力。在於一切如來境界。恒處生死。心無障礙。疾能滿足一切智願。普能往詣一切世界。悉能觀見一切諸佛。徧能聽受一切佛法。能破一切衆生癡闇。能於生死大

夜之中。出生一切智慧光明。而我云何能知能說。彼功德行。善男子。去此不遠。於菩提場右邊。有一夜神。名喜目。觀察衆生。汝詣彼問云。何學菩薩行。修菩薩道。

疏第一我唯下。謙已推勝。第二去此不遠下。指示後友。去此不遠者。同寄世間故。菩提場右者。依理發光。義便易故。喜目觀察者。忍惡視物。故云喜目。發聞持光。故云觀察。

爾時普德淨光夜神。欲重宣此解脫義。爲善財童子而說頌曰。

若有信解心。盡見三世佛。彼人眼清淨。能入諸佛海。  
汝觀諸佛身。清淨相莊嚴。一念神通力。法界悉充滿。  
盧舍那如來。道場成正覺。一切法界中。轉於淨法輪。  
如來知法性。寂滅無有二。清淨相嚴身。徧示諸世間。  
佛身不思議。法界悉充滿。普現一切刹。一切無不見。  
佛身常光明。一切剎塵等。種種清淨色。念念徧法界。  
如來一毛孔。放不思議光。普照諸羣生。令其煩惱滅。  
如來一毛孔。出生無盡化。充徧於法界。除滅衆生苦。  
佛演一妙音。隨類皆令解。普雨廣大法。使發菩提意。  
佛昔修諸行。已曾攝受我。故得見如來。普現一切刹。

諸佛出世間。量等衆生數。種種解脫境。非我所能知。  
一切諸菩薩。入佛一毛孔。如是妙解脫。非我所能知。  
此近有夜神。名喜目觀察。汝應往詣彼。問修菩薩行。  
疏後偈頌。十三偈分三。初十偈頌。正授法門。次二。  
頌謙已推勝。後一。頌指示後友。前中頌前十法。文。  
小不次。初四如次頌。前四法。五超頌。第七六頌。第。  
六。七却頌。第五八頌。第十九頌。第八十頌。第九。  
時善財童子頂禮其足。繞無數匝。殷勤瞻仰。辭退而。  
去。

爾時善財童子。敬善知識。教行善知識。語作如是念。

善知識者難見難遇。見善知識。令心不散亂。見善知識。破障礙山。見善知識。入大悲海。救護衆生。見善知識。得智慧光。普照法界。見善知識。悉能修行一切智道。見善知識。普能覩見十方佛海。見善知識。得見諸佛。轉於法輪。憶持不忘。

疏第三喜目觀察衆生夜神。寄發光地。鈔寄發光地。謂成就勝定大法總持。能發無邊妙慧光。故疏文具六段。第一依教趣求中二。初依前友教。念友成益。

作是念已。發意欲詣喜目觀察衆生夜神所。時喜目

神加善財童子。令知親近善知識。能生諸善根。增長成熟。所謂令知親近善知識。能修助道具。令知親近善知識。能起勇猛心。令知親近善知識。能作難壞業。令知親近善知識。能得難伏力。令知親近善知識。能入無邊力。令知親近善知識。能久遠修行。令知親近善知識。能辦無邊業。令知親近善知識。能行無量道。令知親近善知識。能得速疾力。普詣諸刹。令知親近善知識。能不離本處。徧至十方。時善財童子。遽發是念。由親近善知識。能勇猛勤修一切智道。由親近善知識。能速疾出生諸大願海。由親近善知識。能爲一

撰述  
聖嚴疏鈔卷之十九  
一切衆生盡未來劫受無邊苦。由親近善知識。能被大  
精進甲。於一微塵中說法聲徧法界。由親近善知識。  
能速往詣一切方海。由親近善知識。於一毛道盡未  
來劫修菩薩行。由親近善知識。於念念中行菩薩行。  
究竟安住一切智地。由親近善知識。能入三世一切  
如來自在神力諸莊嚴道。由親近善知識。能常徧入  
諸法界門。由親近善知識。常緣法界未曾動出。而能  
徧徧十方國土。爾時善財童子發是念已。卽詣喜目  
觀察衆生夜神所。

疏後作是念已下。趣求後友。得友加持。於中四。一

欲趣後友。二時喜目神下。得友加持。謂加令知近  
友之益。三時善財童子遠發下。加所成益。謂依前  
能加而起念故。如次以此十句對前十句。四爾時  
善財下。正明趣後。

見彼夜神在於如來衆會道場坐蓮華藏師子之座。  
疏第二見彼下。見敬諮問中。但畧明見已含敬請。  
入大勢力普喜幢解脫。

疏第三入普喜幢下。示已法界。謂懸爲示相。義當  
答問於中。三初標名體。次顯業用。後出所因。今  
初無不攝伏。爲大勢力。徧稱羣機。故云普喜。摧伏

高顯所以名幢。

於其身上。一一毛孔。出無量種變化身雲。隨其所應。以妙言音而為說法。普攝無量一切眾生。皆令歡喜。而得利益。

疏第二於其身上下。明業用於中三。初顯無涯之用。次爾時善財見聞下。觀用獲益。後爾時善財得此下。慶益稱讚。初中謂毛孔身雲。無有盡故。於中二。先出通說修行身。後復於一一諸毛孔下。出演說本行身。前中三。初總標。亦是釋名。

所謂出無量化身雲。充滿十方一切世界。說諸菩薩

行檀波羅蜜。於一切事。皆無戀著。於一切眾生。普皆施與。其心平等。無有輕慢。內外悉施。難捨能捨。

出等眾生數無量化身雲。充滿法界。普現一切眾生之前。說持淨戒。無有缺犯。修諸苦行。皆悉具足。於諸世間。無有所依。於諸境界。無所愛著。說在生死輪迴。往返說諸人天。盛衰苦樂。說諸境界。皆是不淨。說一切法。皆是無常。說一切行。悉苦無味。令諸世間捨離顛倒。住諸佛境。持如來戒。如是演說種種戒行。戒香普熏。令諸眾生。悉得成熟。

又出等眾生數種種身雲。說能忍受一切眾苦。所謂

割截捶楚。訶罵欺辱。其心泰然。不動不亂。於一切行。不卑不高。於諸衆生。不起我慢。於諸法性。安住忍受。說菩提心。無有窮盡。心無盡故。智亦無盡。普斷一切衆生煩惱。說諸衆生卑賤醜陋不具足身。令生厭離。讚諸如來清淨妙色無上之身。令生欣樂。如是方便成熟衆生。

又出等衆生界種種身雲。隨諸衆生心之所樂。說勇猛精進修一切智助道之法。勇猛精進降伏魔怨。勇猛精進發菩提心。不動不退。勇猛精進度一切衆生。出生死海。勇猛精進除滅一切惡道諸難。勇猛精進。

壞無智山。勇猛精進供養一切諸佛如來。不生疲厭。勇猛精進受持一切諸佛法輪。勇猛精進壞散一切諸障礙山。勇猛精進教化成熟一切衆生。勇猛精進嚴淨一切諸佛國土。如是方便成熟衆生。

又出種種無量身雲。以種種方便。令諸衆生心生歡喜。捨離惡意。厭一切欲。爲說慚愧。令諸衆生蔽護諸根。爲說無上清淨梵行。爲說欲界是魔境界。令生恐怖。爲現不樂世間欲樂。住於法樂。隨其次第。入諸禪定。諸三昧樂。令思惟觀察。除滅一切所有煩惱。又爲演說一切菩薩諸三昧海。神力變現。自在遊戲。令諸

衆生歡喜適悅。離諸憂怖。其心清淨。諸根猛利。慶重於法。修習增長。

又出等衆生界種種身雲。爲說在諸十方國土。供養諸佛。及以師長。眞善知識。受持一切諸佛法輪。精勤不懈。又爲演說稱讚一切諸如來海。觀察一切諸法門海。顯示一切諸法性相。開闡一切諸三昧門。開智慧境界。竭一切衆生疑海。示智慧金剛。壞一切衆生見山。升智慧日輪。破一切衆生癡暗。皆令歡喜。成一切智。

又出等衆生界種種身雲。普詣一切衆生之前。隨其所應。以種種言辭。而爲說法。或說世間神通福力。或說三界皆是可怖。令其不作世間業行。離三界處。出見稠林。或爲稱讚一切智道。令其超越二乘之地。或爲演說不住生死。不住涅槃。令其不著有爲無爲。或爲演說住於天宮。乃至道場。令其欣樂發菩提意。如是方便教化衆生。皆令究竟得一切智。

又出一切世界微塵數身雲。普詣一切衆生之前。念念中示普賢菩薩一切行願。念念中示清淨大願。充滿法界。念念中示嚴淨一切世界海。念念中示供養一切如來海。念念中示入一切法門海。念念中示入

一切世界海微塵數世界海。念念中示於一切剎盡  
未來劫清淨修行一切智道。念念中示入如來力。念  
念中示入一切三世方便海。念念中示往一切剎現  
種種神通變化。念念中示諸菩薩一切行願。令一切  
衆生在一切智。如是所作。恒無休息。

又出等一切衆生心數身雲。普詣一切衆生之前。說  
諸菩薩集一切智助道之法。無邊際力。求一切智。不  
破壞力。無窮盡力。修無上行不退轉力。無間斷力。於  
生死法無染著力。能破一切諸魔衆力。遠離一切煩  
惱垢力。能破一切業障山力。任一切劫修大悲行無  
疲倦力。震動一切諸佛國土。令一切衆生歡喜力。  
能破一切諸外道力。普於世間轉法輪力。以如是等  
方便成熟。令諸衆生至一切智。

又出等一切衆生心數無量變化色身雲。普詣十方  
無量世界。隨衆生心。演說一切菩薩智行。所謂說入  
一切衆生界海智。說入一切衆生心海智。說入一切  
衆生根海智。說入一切衆生行海智。說度一切衆生  
未曾失時智。說出一切法界音聲智。說念念徧一切  
法界海智。說念念知一切世界海壞智。說念念知一  
切世界海成。任莊嚴差別智。說念念自在親近供養

一切如來聽受法輪智。示現如是智波羅蜜。令諸衆生皆大歡喜。調暢適悅。其心清淨。生決定解。求一切智。無有退轉。

疏次所謂下。別顯十度。如次十度。各有又出以爲揀別。其間深旨。如理思之。

如說菩薩諸波羅蜜成熟衆生。如是宣說一切菩薩種種行法而爲利益。

疏後如說菩薩下。類通餘法。種種行法者。神通度生菩提分等。鈔神通度生菩提分等者。以瑜伽有四菩薩行。一波羅蜜行。上已廣竟。故別下三。

復於一一諸毛孔中。出無量種衆生身雲。所謂出與色究竟天。善現天。善見天。無熱天。無煩天。相似身雲。出少廣廣果。福生。無雲天。相似身雲。出徧淨無量淨少淨天。相似身雲。出光音無量光少光天。相似身雲。出大梵梵輔梵衆天。相似身雲。出自在天化樂天。兜率陀天。須夜摩天。忉利天。及其姝女諸天子衆。相似身雲。出提頭賴吒乾闥婆王。乾闥婆子。乾闥婆女。相似身雲。出毘樓勒叉鳩槃荼王。鳩槃荼子。鳩槃荼女。相似身雲。出毘樓博叉龍王。龍子。龍女。相似身雲。出毘沙門夜叉王。夜叉子。夜叉女。相似身雲。出大樹緊

那羅王善慧摩睺羅伽王大速疾力迦樓羅王羅睺  
阿修羅王閻羅法王及其子其女相似身雲。出諸人  
王及其子其女相似身雲。出聲聞獨覺及諸佛衆相  
似身雲。出地神水神火神風神河神海神山神樹神  
乃至晝夜主方神等相似身雲。周徧十方。充滿法界。  
於彼一切衆生之前。現種種聲。所謂風輪聲。水輪聲。  
火燄聲。海潮聲。地震聲。大山相擊聲。天城震動聲。摩  
尼相擊聲。天王聲。龍王聲。夜叉王聲。乾闥婆王聲。阿  
修羅王聲。迦樓羅王聲。緊那羅王聲。摩睺羅伽王聲。  
人王聲。梵王聲。天女歌咏聲。諸天音樂聲。摩尼寶王

聲。

疏二出演說本行身中四。一出能說之聲。二於彼  
一切衆生下。明演法之聲。三以如是等聲下。顯所  
說之法。四如是說時下。彰說之益。前二後一可知。  
以如是等種種音聲。說喜目觀察衆生夜神從初發  
心所集功德。所謂承事一切諸善知識。親近諸佛。修  
行善法。行檀波羅蜜。難捨能捨。行尸波羅蜜。棄捨王  
位宮殿眷屬。出家學道。行羸提波羅蜜。能忍世間一  
切苦事。及以菩薩所修苦行。所持正法。皆悉堅固。其  
心不動。亦能忍受一切衆生於已身心惡作惡說。忍

一切業皆不失壞。恐一切法。生決定解。恐諸法性。能諦思惟。行精進波羅蜜。起一切智行。成一切佛法。行禪波羅蜜。其禪波羅蜜。所有資具。所有修習。所有成就。所有清淨。所有起三昧神通。所有入三昧海門。皆悉顯示。行般若波羅蜜。其般若波羅蜜。所有資具。所有清淨。大智慧日。大智慧雲。大智慧藏。大智慧門。皆悉顯示。行方便波羅蜜。其方便波羅蜜。所有資具。所有修行。所有體性。所有理趣。所有清淨。所有相應事。皆悉顯示。行願波羅蜜。其願波羅蜜。所有體性。所有成就。所有修習。所有相應事。皆悉顯示。行力波羅蜜。

其力波羅蜜。所有資具。所有因緣。所有理趣。所有演說。所有相應事。皆悉顯示。行智波羅蜜。其智波羅蜜。所有資具。所有體性。所有成就。所有清淨。所有處所。所有增長。所有深入。所有光明。所有顯示。所有理趣。所有相應事。所有簡擇。所有行相。所有相應法。所有所攝法。所知法。所知業。所知刹。所知劫。所知世。所知佛出現。所知佛。所知菩薩。所知菩薩心。菩薩位。菩薩資具。菩薩發趣。菩薩迴向。菩薩大願。菩薩法輪。菩薩簡擇法。菩薩法海。菩薩法門海。菩薩法旋流。菩薩法理趣。如是等智波羅蜜。相應境界。皆悉顯示。成熟眾

生。

又說此神從初發心所集功德相續次第所集善根相續次第所集無量諸波羅蜜相續次第。死此生彼及其名號相續次第親近善友承事諸佛受持正法修菩薩行入諸三昧以三昧力普見諸佛普見諸刹普知諸劫深入法界觀察衆生入法界海知諸衆生死此生彼得淨天耳聞一切聲得淨天眼見一切色得他心智知衆生心得宿住智知前際事得無依無作神足智通自在遊行徧十方刹如是所有相續次第得菩薩解脫入菩薩解脫海得菩薩自在得菩薩

勇猛得菩薩遊步在菩薩想入菩薩道如是一切所有功德相續次第皆悉演說分別顯示成熟衆生。

疏三所說法中二先說本行十度行法後又說下類通所餘行法今初忍中惡作屬身惡說屬口禪中有六句一名體二資緣三造修四獲得五治障六起用下之五度句雖多少例此可知般若中曰約破闇雲約演法藏顯包含方便中體性通事理趣謂意趣後類通餘行中具四菩薩行思之。鈔後類通餘行具四菩薩行者初菩提分法行以從初發心積集功德皆助菩提是菩提分二入諸

三昧下。卽三昧行。三得淨天耳下。卽神通行。得菩薩解脫下。成熟衆生行。結中云。分別顯示成熟衆生。

如是說時。於念念中。十方各嚴淨不可說不可說諸佛國土。度脫無量惡趣衆生。令無量衆生。生天人中。富貴自在。令無量衆生。出生死海。令無量衆生。安住聲聞辟支佛地。令無量衆生。住如來地。

疏四彰說之益。

爾時善財童子。見聞如上所現一切諸希有事。念念觀察。思惟解了。深入安住。承佛威力。及解脫力。則得

菩薩不思議大勢力。普喜幢自在力。解脫何以故。與喜目夜神。於往昔時。同修行故。如來神力所加持故。不思議善根。所祐助故。得菩薩諸根。故生如來種中。故得善友力。所攝受故。受諸如來所護念。故毘盧遮那如來。曾所化。故彼分善根已成熟。故堪修普賢菩薩行故。

疏二觀用獲益。卽證入法界。於中三。初顯證因緣。次則得下。正明證入。後何以下。徵釋所由。

爾時善財童子。得此解脫已。心生歡喜。合掌向喜目觀察衆生夜神。以偈讚曰。

無量無數劫學佛甚深法。隨其所應化。顯現妙色身。  
了知諸衆生。沉迷嬰妄想。種種身皆現。隨應悉調伏。  
法身恆寂靜。清淨無二相。爲化衆生故。示現種種形。  
於諸蘊界處。未曾有所著。示行及色身。調伏一切衆。  
不著內外法。已度生死海。而現種種身。在於諸有界。  
遠離諸分別。戲論所不動。爲著妄想者。弘宣十力法。  
一心住三昧。無量劫不動。毛孔出化雲。供養十方佛。  
得佛方便力。念念無邊際。示現種種身。普攝諸羣生。  
了知諸有海。種種業莊嚴。爲說無礙法。令其悉清淨。  
色身妙無比。清淨如普賢。隨諸衆生心。示現世間相。

疏三慶益稱讚中。十偈分四。初一偈。現說之因。次  
一現說之意。次六現說體相。皆卽寂之用。後二總  
結現說無礙。

爾時善財童子說此頌已。白言。天神。汝發阿耨多羅  
三藐三菩提心。爲幾時耶。得此解脫。其已久如。爾時  
喜目觀察衆生。至夜神以頌答曰。

我念過去世。過於刹塵劫。刹號摩尼光。劫名寂靜音。  
疏第三爾時善財下。明出所因。於中先興二問。後  
具二答。於中先以偈答。後會古今。前中總九十一  
頌分二。前七十九頌。答發心久近。後十二頌。答得

法時節前中有十復次。初寂靜音劫。正是發心之時。有三十一頌分六。初一偈總標。

百萬那由他。俱胝四天下。其王數亦爾。各自臨馭。中有一王都。號曰香幢寶。莊嚴最殊妙。見者皆欣悅。中有轉輪王。其身甚微妙。三十二種相。隨好以莊嚴。蓮華中化生。金色光明身。騰空照遠近。普及閻浮界。其王有千子。勇猛身端正。臣佐滿一億。智慧善方便。嬪御有十億。顏容狀天女。利益調柔意。慈心給侍王。其王以法化。普及四天下。輪圍大地中。一切皆豐盛。我時為寶女。具足梵音聲。身出金色光。照及千由旬。

疏二有八偈顯其本生。

日光既已沒。音樂咸寂然。大王及侍御。一切皆安寤。彼時德海佛。出興於世間。顯現神通力。充滿十方界。放大光明海。一切刹塵數。種種自在身。徧滿於十方。地震出妙音。普告佛興世。天人龍神眾。一切皆歡喜。一一毛孔中。出佛化身海。十方皆徧滿。隨應說妙法。我時於夢中。見佛諸神變。亦聞深妙法。心生大歡喜。一萬王夜神。共在空中住。讚歎佛興世。同時覺悟我。賢慧汝應起。佛已現汝國。劫海難值遇。見者得清淨。我時便寐寤。即覩清淨光。觀此從何來。見佛樹王下。

諸相莊嚴體。猶如寶山王。一切毛孔中。放大光明海。  
疏三有十偈。明發心本事。

見已心歡喜。便生此念言。願我得如佛。廣大神通力。  
疏四一偈。正顯發心。

我時尋覺悟。大王弁眷屬。令見佛光明。一切皆欣慶。  
我時與大王。騎從千萬億。衆生亦無量。俱行詣佛所。  
我於二萬歲。供養彼如來。七寶四天下。一切皆奉施。  
時彼如來說。功德普雲經。普應羣生心。莊嚴諸願海。  
夜神覺悟我。令我得利益。我願作是身。覺諸放逸者。  
我從此初發。最上菩提願。往來諸有中。其心無忘失。

疏五六偈。明發後之德。

從此後供養。十億那由佛。恒受人天樂。饒益諸羣生。  
初佛功德海。第二功德燈。第三妙寶幢。第四虛空智。  
第五蓮華藏。第六無礙慧。第七法月王。第八智燈輪。  
第九兩足尊。寶藏山燈王。第十調御師。三世華光音。  
如是等諸佛。我悉曾供養。然未得慧眼。入於解脫海。  
疏六有五偈。轉值餘佛。未得慧眼者。未得十解正。  
慧明故。

從此次第有。一切寶光刹。其劫名天勝。五百佛興世。  
最初月光輪。第二名日燈。第三名光幢。第四寶須彌。

第五名華談。第六號燈海。第七熾然佛。第八天藏佛。九光明王幢。十普智光王。如是等諸佛。我悉曾供養。尚於諸法中。無而計爲有。

疏二天勝劫中有四偈半。無而計爲有者。未解卽心自性故。餘之八劫。偈數可知。鈔未解卽心自性者。前劫未得十住自分。此劫未得十住勝進。

從此復有劫。名曰梵光明。世界蓮華燈。莊嚴極殊妙。彼有無量佛。一一無量衆。我悉曾供養。尊重聽聞法。初寶須彌佛。二功德海佛。三法界音佛。四法震雷佛。五名法幢佛。六名地光佛。七名法力光。八名虛空覺。

第九須彌光。第十功德雲。如是等如來。我悉曾供養。未能明了法。而入諸佛海。

疏三梵光明劫中。未能明了法者。未了十行真實行法故。

次後復有劫。名爲功德月。爾時有世界。其名功德幢。彼中有諸佛。八十那由他。我皆以妙供。深心而敬奉。初乾闥婆王。二名大樹王。三功德須彌。第四寶眼佛。第五盧舍那。第六光莊嚴。第七法海佛。第八光勝佛。九名賢勝佛。第十法王佛。如是等諸佛。我悉曾供養。然未得深智。入於諸法海。

疏四功德月劫未得善巧迴向深智趣佛智海故。此後復有劫名爲寂靜慧刹號金剛寶莊嚴悉殊妙。於中有千佛次第而出興衆生少煩惱衆會悉清淨。初金剛齋佛。二無礙力佛。三名法界影。四號十方燈。第五名悲光。第六名戒海。第七忍燈輪。第八法輪光。九名光莊嚴。十名寂靜光。如是等諸佛我悉曾供養。猶未能深悟。如空清淨法遊行一切刹於彼修諸行。疏五寂靜慧劫未得地上二空真如清淨法故。次第復有劫名爲善出現刹號香燈雲淨穢所共成。億佛於中現莊嚴刹及劫所說種種法我皆能憶持。

初名廣稱佛。次名法海佛。三名自在王。四名功德雲。第五法勝佛。第六天冠佛。第七智談佛。第八虛空音。第九兩足尊。各普生殊勝。第十無上士。眉間勝光明。如是一切佛我悉曾供養。然猶未能淨離諸障礙道。疏六善出現劫未淨修道之障故。

次第復有劫名集堅固王刹號寶幢王。一切善分布。有五百諸佛於中而出現我恭敬供養求無礙解脫。最初功德輪。其次寂靜音。次名功德海。次各日光王。第五功德王。第六須彌相。次名法自在。次佛功德王。第九福須彌。第十光明王。如是等諸佛我悉曾供養。

所有清淨道。普入盡無餘。然於所入門。未能成就。恐疏七集堅固王劫。未得六地緣生深順之忍。鈔未得六地深順之忍者。六地得上品順忍故。次第復有劫。各爲妙勝王刹號寂靜音衆生煩惱薄。於中有佛現。八十那由他。我悉曾供養修行最勝道。初佛各華聚。次佛各海藏。次各功德生。次號天王髻。第五摩尼藏。第六真金山。第七寶聚尊。第八法幢佛。第九各勝財。第十各智慧。此十爲上首。供養無不盡。疏八妙勝王劫。修最勝道者。六地般若爲勝道故。鈔八妙勝劫下。無結說得之言。合言未得七地。

而前劫但云修行最勝道。卽是已得六地耳。

次第復有劫。名曰千功德。爾時有世界。號善化幢燈。六十億那由。諸佛興於世。最初寂靜幢。其次奢摩他。第三百燈王。第四寂靜光。第五雲密陰。第六日大明。七號法燈光。八名殊勝談。九名天勝藏。十名大吼音。如是等諸佛。我悉常供養。未得清淨忍。深入諸法海。疏九千功德劫。未得八地淨無生忍故。

次第復有劫。各無著莊嚴。爾時有世界。名曰無邊光。中有三十六那由他佛現。初功德須彌。第二虛空心。第三具莊嚴。第四法雷音。第五法界聲。第六妙音雲。

第七照十方。第八法海音。第九功德海。第十功德幢。如是等諸佛。我悉曾供養。

疏十無著莊嚴劫。四頌半。但言供養者。下明得法故。又前次第皆言未得後後。則已得前前思之。亦可初劫已得初地。未得第二。乃至第九未得第十地。第十劫中。方得圓滿。故其劫名。亦順地義。如文思之。鈔故其劫下。疏家復爲一釋。以初劫名寂靜音。已得初地。二天勝劫。天卽淨義。亦順離垢。三梵光。順發光。四功德月。順談慧。月有光明。發光談故。五寂靜慧。順禪增故。六善出現。順善現故。七集堅固王。功用滿故。已得方便。不可壞故。八勝妙劫。順於不動。無功用故。九千功德。法師位故。十無著莊嚴。智慧無著。一嚴滿故。

次有佛出現。名爲功德幢。我爲月面天。供養人中王。時佛爲我說。無依妙法門。我聞專念持。出生諸願海。我得清淨眼。寂滅定總持。能於念念中。悉見諸佛海。我得大悲藏。普明方便眼。增長菩提心。成就如來力。疏第二次有佛出現。名爲功德幢下。荅得法時節中。卽前無著劫。得此法也。於中二。初四偈得無功用之三。地。謂八地無依大願。九地滅定總持。十地

成如來力。

見衆生顛倒執常樂我淨。愚癡暗所覆。妄想起煩惱。行止見稠林。往來貪欲海。集於諸惡趣。無量種種業。一切諸趣中。隨業而受身。生老死衆患。無量苦逼迫。爲彼衆生故。我發無上心。願得如十方。一切十力尊。緣佛及衆生。起於大願雲。

疏後入結成普賢行位。於中三。初四偈半牒舉大心之始。

從是修功德。趣入方便道。願雲悉彌覆。普入一切道。具足波羅蜜。充滿於法界。速入於諸地。三世方便海。

一念修諸佛。一切無礙行。

疏次二偈半。明成德之終。

佛子我爾時。得入普賢道。了知十法界。一切差別門。疏後一偈總結圓滿。因果圓融。初後該徹。故入普賢道。

善男子。於汝意云何。彼時轉輪聖王各十方主。能紹隆佛種者。豈異人乎。文殊師利童子是也。爾時夜神覺悟我者。普賢菩薩之所化耳。我於爾時爲王寶女。蒙彼夜神覺悟於我。令我見佛。發阿耨多羅三藐三菩提心。自從是來。經佛刹微塵數劫。不墮惡趣。常生

人天於一切處常見諸佛。乃至於妙燈功德幢佛所。得此大勢力普喜幢菩薩解脫。以此解脫。如是利益一切衆生。

疏二結會。

善男子。我唯得此大勢力普喜幢解脫門。如諸菩薩摩訶薩。於念念中。普詣一切諸如來所。疾能趣入一切智海。於念念中。以發起門。入於一切諸大願海。於念念中。以願海門。盡未來劫。念念出生一切諸行。一行中出生一切利微塵數身。一身普入一切法界門。一一法界門。一切佛刹中。隨衆生心說諸妙行。

一切刹。一一塵中。悉見無邊諸如來海。一一如來所。悉見徧法界諸佛神通。一一如來所。悉見在劫修菩薩行。一一如來所。受持守護所有法輪。一一如來所。悉見三世一切如來諸神變海。而我云何能知能說彼功德行。善男子。此衆會中。有一夜神。名普救衆生妙德。汝詣彼問菩薩云。何入菩薩行。淨菩薩道。

疏第四謙已推勝。並可知。第五指示後友。同在證位。故云於此會中。起精進行。爲普救衆生。智酸吉祥。稱爲妙德。

時善財童子。頂禮其足。繞無數匝。殷勤瞻仰。辭退而

去。

佛弟子曹文朝全室殷氏捐資四兩九錢八分  
八厘刻此一卷。伏願壽綿恒久。福臻罄宜。現生  
加被以康寧。後有內薰而證悟。

大方廣佛華嚴經疏鈔卷六十九 終



テノ  
六<sup>五</sup>